

四庫全書

史部

欽定四庫全書

史部

硃批諭旨卷七十三之二

臣 永璫恭校

編修臣 裴謙覆勘

總校官中書臣 朱 鈐

校對官中書臣 高 中

膳錄監生臣 沈以顯

欽定四庫全書

硃批諭旨卷七十三之一

硃批王士俊奏摺

雍正六年十月初八日署理廣東布政使臣王士

俊謹

奏爲恭謝

天恩事竊臣生長邊方至愚極陋於雍正元年由庶常

蒙

皇上揀往河南補授外吏兩任牧令未效寸長雍正三

年經前任廣東撫

臣楊文乾保奏奉

旨帶往廣東題用雍正四年蒙

特旨超陞肇高廉羅道

臣受

恩深重惟知上報

國恩下恤民瘼凡上司同寅或喜或怒皆不顧及上

年八月內因原任藩司官達收受重役朋充之李

長茂銀一千二百五十兩濫充肇慶府黃江廠典

吏臣有稽查之責即詳報督撫奈署撫臣阿克敦
袒庇官達欲思消弭其事恨臣不從計無所施聽
信解任臬司方願瑛顛倒教唆捏稱臣經收黃江
廠落地稅少解銀一千二百兩將臣糾叅羈禁竊
臣管理黃江廠稅儘收儘解阿克敦所叅少解之
稅羨臣早已解交前撫臣楊文乾收充公用在案
阿克敦亦明知臣非欺隱稅羨之人原欲借欺隱
稅羨大題或可聳動

聖聰并欲陷前撫

臣

楊文乾之意

臣

被叅之後官達方

願瑛撥後環守百般凌虐致令深秋衣葛終日斷

餐意在滅口無證即可消弭官達婪贓之案嚴禁

七十六日

臣

自料命若懸絲萬無生路乃

皇上明同日月大沛

綸音矜恤保全仍舊供職是

臣

性命功名無非

天恩所再造嗣於本年八月十三日欽奉回京另用之

諭旨

臣

隨即領咨魚程北上九月初八日行至韶州府

曲江縣地方接奉

諭旨著臣署理廣東布政使印務欽此臣隨回至廣東
省城遵於十五日接印署事訖九月二十四日署

撫臣傳泰抵粵交臣

御頒摺匣四箇鎖匙二把并傳

諭臣有奏摺俱交大學士張廷玉轉奏欽此臣叩頭祇

領之下感銘肺腑莫知所措惟有益竭駑駘實心

據實無隱

此爲最要勉之

報效一事無欺一絲不隱凡有所聞所見即陸續

具摺密奏以仰副

皇上超拔委任之至意所有臣感激微忱謹先繕摺

奏謝伏乞

皇上睿鑒謹

奏

閱爾奏中有明同日月等語須知非朕之明乃

天道昭著自然之理也凡人但能幽獨無忤對

天無慚竟可坦然勿慮若輩具何伎倆豈能害人起心加

害適足以自陷其身此非一大明驗歟今汝藩司之職
不比道府表率數縣而已必將通省屬員激揚訓導兼
能顧恤方稱勝任不宜過於嚴刻百凡以和平公正處
之如在下位與同寅不睦猶可特立孤行獨盡乃職今
居通省屬員之上若不能悅服其心反令各懷怨憾則
一事不能行矣切戒使氣更勿挾恨從前縱有一二不
相協和之人當開誠勸勉容其自新遇有下愚不移者
密奏以聞候朕裁酌或調或退自有措置克遵訓諭而

行方爲不負知遇如此則君臣契合可傳爲千秋佳話
矣勉爲之

同日又

奏爲恭報米價事竊照粵東田畝一歲兩收本年自
春至夏雨暘時若早稻豐稔晚禾茂盛省城上米
每石價銀一兩二錢四分中米一兩一錢八分下
米一兩一錢二分廣州府所屬各州縣米價較賤
於省城肇慶府屬米價較賤於廣州而高州府羅

定州所屬米價又較賤於肇慶上年潮州荒歉民食維艱今歲二麥早稻俱獲豐收夏間米價頓減目今晚稻又熟上米每石價止一兩中米九錢五分下米九錢惠州米價與潮州相等南雄山多田少米價少昂上米每石一兩四錢中米下米價值遞減南雄所屬之始興縣密邇韶州府上米每石價止一兩二錢中米一兩一錢下米九錢七八分韶屬米價又漸減於始興至瓊雷廉三府米價更

減於他郡目今雷屬上米每石九錢中米八錢五
分下米七錢五分瓊屬上米九錢二分中米八錢
九分下米八錢五分廉屬上米八錢八分中米下
米價又減少海疆豐足萬姓歡呼除田禾收成分
數俟收畢另報外所有粵東現在米價謹先據實
繕摺奏

聞謹

奏

覽奏米價平減深慰朕懷

同日又

奏爲陳明倉穀事竊照廣東通省府州縣衛所原額
貯倉穀一百六十四萬三千六百餘石又廣西運
到穀三十萬石使皆實貯在倉何慮備荒無策奈
各府州縣積習相沿或竟虧空無存或有懸價未
買其虧空者已被叅追懸價者似與虧空有別故
從前督撫惟有檄催買補而已本年正月內前撫

臣楊文乾自閩回粵勒限催買各員業經買穀交
倉者十居七八但現今尚有雖已買足而未運入
倉者有奉文平糶而未及買補者有碾支兵米而
尚未徵還者必須逐一查明方免捏飾虧短之弊
今值晚稻豐收之際臣一面飭令上緊買補一面
委員逐項盤查俟查明之後如尚有實在虧空詳
請督撫

題叅已買未運者令其即速交倉碾支兵米拖欠在

民者令其即速徵補務使倉儲充盈必不敢縱容
缺少合先繕摺

奏明伏乞

皇上睿鑒謹

奏

從容次第爲之不必太驟將真實情形直陳無隱最爲
要務

同日又

奏爲奏明短少解部銀兩事竊照錢糧解部兌交分毫
不容虧缺既因短少催補自應按數全完臣蒙
特旨署理廣東布政使印務細查舊卷有歷任正署藩
司並不造入交代冊內者一件付催短少銀兩事
雍正四年六月十六日戶部咨稱管解京餉三次
差官常三書短少銀六千九百六十八兩四次差
官汪茗文短少銀四千八百兩催令解部等因屢
經戶部咨催皆以正署各司疊相交代致未起解

咨覆在案臣查歷任正署各司並未將前項銀兩補解現今亦無毫釐貯庫因喚庫吏細詢情由乃知雍正二年以前解部錢糧兌平短少奉部行催之後即將通省俸工抵補是以隨欠隨完迨奉

旨俸工槩不捐扣而三次四次短平銀兩竟無著落前司常賚議將火耗扣解查粵東丁地錢糧解交藩庫者每年不滿一百萬兩向經督撫議定每兩扣火耗四分令各州縣解貯藩庫以充一切公用無

如通省公事甚多本年解到之火耗尚不足辦本年之公事欲其補解三次四次短平銀兩勢必不能況歷任正署藩司惟王謩未曾收受陋規如圖理琛朱絳方願瑛常賚官達除養廉之外所得陋規甚多伊等在任時絕不以短少部帑爲念第以正署各司疊相交代致未起解爲詞支飾拖延則正署各司交代朦混已見一斑臣現在詳明督撫題請著落圖理琛朱絳方願瑛常賚官達分賠解部

併藩庫此外有無未清之項俟臣徹底盤查另行
奏

聞謹

奏

所奏是應如此秉公辦理以爲漫不清查完補者之戒
雍正六年十一月十五日署理廣東布政使臣王
士俊謹

奏爲恭報豐收事竊照廣東今歲早稻登場咸稱大

有秋冬雨暘時若晚稻又盡豐收臣細查各府州
所屬收成俱有七八九分以及十分不等各處米
價每石自六錢七八分至一兩二錢五分不等臣
抵粵三年目睹收穫之豐熟米價之平減實惟今
歲爲獨異四野盈寧萬民樂業當此穀價甚賤之
時嚴催各屬及早買運交倉俾無升斗虧欠是又
臣所私心欣幸者耳理合繕摺奏

聞伏乞

皇上睿鑒謹

奏

覽收獲情形深慰朕懷汝等撫藩大吏但能秉公察吏
除暴安良以暢遂輿情則感召和氣嘉祥畢至朕可保
其必然也勉之勉之

同日又

奏爲奏明革除積弊事竊查廣東藩司衙門之前向
有銀匠鋪四座名爲官銀匠收兌錢糧驗看成色

是以州縣錢糧解到省城先將銀桶寄頓鋪內該銀匠勾通解銀僕役私開銀桶取出足紋元寶傾銷九八成色止留足紋元寶二錠置諸桶面該銀匠與藩庫吏書通同一氣扣色分肥當藩司收兌時庫吏止取桶面足紋元寶呈驗官不及察墮其術中盡收貯庫按月給發兵餉弁卒暗受其虧臣訪知其弊已將官銀匠革除臣又聞州縣起解錢糧之日州縣之銀匠每千兩寄給省城官銀匠銀

五兩冀免故意吹求更給解後銀一兩五錢供其
途中酒食而州縣之銀匠遂藉端需索以致納銀
之花戶受累多端臣經通飭州縣徧示嚴禁立法
以來里民稱便至如典吏攢典役滿請咨考職向
有督撫藩司陋規臣已詳明督撫禁革矣本省捐
納各員領咨赴選向有藩司陋規臣已面諭該員
緊免餽送矣州縣徵收錢糧紅簿送司蓋印事屬
無益兼多虛耗臣已詳明督撫

題請停止矣粵東未議火耗四分解充公用之前事
事派諸州縣因州縣捐解不完今猶頻檄催促一
經新舊交代累積難清臣已酌定款項詳請督撫
批免捐解矣藩司爲錢糧總匯諸弊叢生事無鉅
細臣惟有逐一清理屏却情面杜絕苞苴務使囊
無餘資案無留牘或少可仰報

聖恩於萬一耳所有臣裁革積弊理合奏

聞謹

奏

覽

不必矯廉尤戒深刻諸凡惟宜通情酌理而行過猶不及四字常存諸胸中以自省欲速則不達一切事徐徐循序爲之

同日又

奏爲擬實奏明事本年十月十七日署撫臣傅泰行

知到臣一件欽奉

欽定四庫全書

明倫彙編

卷七十三之一

上諭事准吏部咨內閣交出奉

上諭原任廣東巡撫楊文乾係宣力封疆之大臣朕聞其病故心甚憫惻聞阿克敦自廣西回至廣東與官達方願瑛等懷挾私怨以楊文乾病故爲快演戲開筵置酒稱慶又楊以寧係獲罪應行拘禁之人公然乘轎至伊等之寓酣歌宴會無所忌憚似此凌器薄惡之風以大臣之挫折爲幸其存心甚屬可惡著將阿克敦官達方願瑛楊以寧拏問嚴加拘禁交與孔

毓珣傳泰等嚴審定擬其四人名下所有各案俱著
審明加倍治罪孔毓珣身爲總督一任伊等肆意妄
行不加約束甚屬無耻若查審各案再稍有瞻徇寬
縱之處經朕察出定行從重議處欽此仰見我

皇上日月同明無遠不照

諭旨到日粵省臣民無不驚異惶悚所有阿克敦等各
案

欽差臣留保喀爾吉善會同督撫臣逐日審理自無寬

縱又原任羅定州知州楊廷翼被督臣孔毓珣糾
參詐贓一案亦經

欽差臣留保喀爾吉善同署撫臣傅泰現在會審查臣
在肇高廉羅道任內楊廷翼於本年七月十四日
以武舉彭士望係參草署州楊以寧虛出糧票之
款證誣捏廷翼勒索士望銀一千八百兩等情具
詳到臣當將原詳即批該州有無勒索彭士望銀
兩彭士望是否挾仇誣陷既經臬司提犯訊究仰

即詳明臬司聽候核奪並候據詳轉移繳臣隨經據詳移明臬司在案至七月二十一日督臣孔毓

珣將楊廷翼

阿克敦等之事既不能欺蔽於前楊廷翼之事又豈能題叅摘印拜疏後方將揭帖稿發臣繕補併令預填

隱瞞

於後耶已有旨矣

七月十九日具揭臣即遵照發來原稿繕揭補送

伊等

斷不敢負朕託茲楊廷翼賦款虛實

欽差

臣留保喀爾吉善與署撫臣傅泰自有公斷但臣

前奉督臣發稿補揭情由不敢欺隱理合據實

奏明伏乞

皇上睿鑒謹

奏

覽

同日又

奏爲敬陳各員賢否事竊臣生長邊陲偉登科目素
無交結孤立少援雍正元年奉

旨揀往河南兩任牧令雍正二年查賑浙江雍正三年

赴粵

題用凡臣足跡所至必採訪風俗之美惡官員之賢否默記於心而不敢忘茲蒙

御頒摺匣容臣繕摺臣敢不將當奏之事據實

上聞伏查廣東按察使一缺命盜詞訟多於他省非精

明強幹者實難勝任今按察使公元操守頗廉爲

已有奇矣

人直率但聽斷不甚敏捷若爲事簡省分之臬司

朕觀

林兆惠殊非柔懦之流但恐不實心盡力辦事耳則有餘廣南韶道林兆惠柔懦貪庸從前監修船

果有隻分外勤案實按自當查明詳開端過備堪恕應行

摘棄珠為可惜至於樓儼可以為惡可以為善之人如

取隨封一十兩門包一十六兩現有新寧等各州

肯實心感朕恩過竭力報效乃練達之才也王璠頗屬

縣稟帖可據惠潮道樓儼質本忠誠人亦老練雷

老成

才具中平黃文煒實好瓊道王璠謹飭自持撫黎得法鹽法道黃文煒留

心鹽政裁革陋規通省知府十一員瓊州府知府

宗思聖經臣遵

旨保舉外肇惠廉三府尚在乏員廣州府知府張錫外

假渾厚之名內蓄苞苴之念收受州縣養廉俱索

張銷

累條如此當據事詳參

隨封門包經

嚴加申飭

後州縣有繳養廉者始

甘士琦實屬不堪嚴參可也

將隨封門包退還

雷州府知府甘士琦到任未久

織蹟彰聞

臣現在察訪俟核實詳揭請叅韶州府

知府吳騫秉性廉介辦事勤敏南雄府知府王鉞

潮州府知府胡恂高州府知府葉思華皆知恪守

官箴無慚表率廣州府理瑤同知陳鴻熙瓊州府

同知李達德雷州府同知馬世樞俱年力精壯才

具可觀韶州府通判陸國柱居官勤慎

臣已詳明

督撫

題補沿海之萬州知州其餘各府同知通判皆堪循
分供職至通省州縣畧有吏才者盡經調補沿海
之缺新任各員止可徐觀後效如瓊州府感恩縣
知縣葉世美已陞雲南楚雄同知因

題補有人部議令葉世美赴滇候補臣查葉世美在
粵多年熟悉風土海豐縣缺調補乏人臣已詳明
督撫擬將葉世美以陞銜

好
題補海豐洵屬駕輕就熟瓊州府崖州知州程哲已

陞戶部員外郎程哲歷練老成久任瓊南仰懇

皇上將程哲留粵補用所請是俟程哲到京引見後再行發往實於海疆有益此粵東各員賢

否之大畧也再查翰林院編修夏力恕學問經濟

兩擅其長直隸正定府知府童華刑名熟練辦事

精勤河南開封府南河同知拖克拖海勉力急公

勤勞懋著河南陝州閿鄉縣知縣趙可大習熟吏

治堪供驅使原任浙江湖州府草職知府曹掄彬

孝友簡良猶屬易觀居家孝友服政循良臣國音難得若不肯殫心任事與吏治民生毫無裨益但務一己之名譽朕亦不取洪恩亟圖報效私念以身事

也君一生之精力有限不若以人事

以人事君可謂是極之論但若稍涉私意則害亦無窮君百職之成效無窮臣因不揣冒昧敢以素所深知之

莫若盡在己之忠誠正身化屬是即造就人才之道也

第一滌除科甲袒護之習爲要務勉之勉之聞伏乞夏力恕童華拖克拖海趙可大曹掄彬據實奏

皇上睿鑒施行謹

奏

覽

同日又

奏爲奏

聞事竊人臣辦理公務自當盡心竭力毫不存私方稱
厥職今有廣南韶道林兆惠貪婪性成姦詐百出
如監修船隻則冒開物料收受養廉則勒索隨封
此皆臣未署布政司以前之事未便咎其已往又
如

萬年吉地需用楠木自宜敬謹採辦雍正四年十一月
內督撫檄委林兆惠採辦運送查廣州府屬之從
化縣楠木頗多產在官山不須價買惟用人工採
運遂可出河林兆惠支領藩庫正項錢糧一萬一
千三百兩先後報獲楠木九百八十五根又遣順
德縣馬寧司巡檢艾國煥向藩庫支銀三千兩指
稱從化築壩蓄水運木等費臣署理藩司印務錢
糧出入責任攸關林兆惠已領銀一萬四千三百

兩爲數未嘗不多採辦已歷二年爲時未嘗不久
報獲楠木九百八十五根到廠僅二百二十根捏
報情弊已露從前領過銀兩節經催取所用數目
並無隻字移覆窺林兆惠之意不過俟事竣之後
一總開銷以便侵蝕且巡道爲督緝盜賊之員上
年六月內從化縣盜賊公然搶刦林兆惠之木廠
將搶去人役勒令備銀取贖盜犯肆橫寧復有巡
道在其目中則林兆惠之居官庸懦更屬顯然查

廣南韶道一缺甚屬緊要林兆惠人無才具術善
逢迎使久任海疆恐盜風日熾臣受

恩深重何敢隱默瞻徇理合據實奏

聞伏乞

皇上睿鑒施行謹

奏

前諭甚明林兆惠果有不法劣跡竟行具揭詳叅倘或
目下得人朕即降旨更替亦未可定

同日又

奏爲密陳管見事竊查廣東通省額編匠役九千零一十二名連年每名應徵匠價銀四錢五分三釐六毫共徵銀四千零八十七兩八錢八分一釐解交司庫撥充兵餉惟是州縣徵收匠價時書吏原差勾通匠頭藉催納匠價名色凡遇匠役之家無不逐戶苛求百般勒詐蓋緣匠價一項逢卯止比原差匠役並不到案是以衙蠹得肆其苛求而匠

役盡被其魚肉臣仰體

皇上軫惜百工之至意請照江西浙江等省之例將匠價銀兩勻入地丁項下則積弊可除而花戶順便輸將衆擎易舉匠役永免重累受益無窮是否可採伏乞

皇上睿鑒施行謹

奏

此事交該部查議候奏覆有旨

同日又

奏爲奏明事竊查廣東外海內河戰船繒船艍船漿船等項船隻每逢修造之期一切工料悉於藩庫內支領部定價銀文武員弁公同修造歷因部價不敷詳報督臣議令州縣派捐幫貼緣文員不諳修造勢不得不假手於武弁奈武弁因有捐貼之議任意需求按修造部價每百兩勒令州縣捐貼銀六十兩及八十兩不等雍正四年三月間臣署

理瓊州府事適值修漿船六隻部價六百七十二兩零每百兩照加六捐貼應捐貼銀四百三兩零臣已將瓊郡陋規盡行裁革州縣以修船捐費無措向臣商酌臣訪知武弁以修船爲利藪遂親詣海口購辦工料不使同事各員少有侵漁及工竣之日臣止捐貼銀二百一十五兩照應捐貼之數已省十之四五廣東產木之地各府木價不甚懸殊但使監造督修文武各員盡肯矢公修造一切

捐貼自可節省況現在州縣議給養廉雜派盡除
將來凡有工作等費悉支公項以公項而填私索
尤屬不可臣擬將修造船隻於部價外雖應幫貼
必須從實核減之處詳明督臣果否批允尚在未
定合先繕摺

奏明伏乞

皇上睿鑒謹

奏

該部密議奏聞

雍正六年十二月初十日署理廣東布政使臣王

士俊謹

奏爲承審叅案據實奏

聞事竊廣東前任撫臣楊文乾在任時摺

奏原任布政使官達及遵

旨續叅官達婪贓各款或係林氏等告發或係陳成元
等出首在官達得贓有據楊文乾叅劾非虛已久

在

聖明洞照中矣乃自楊文乾病故之後官達即與阿克敦等來往潛謀詭詐百出密囑出首之陳成元等於未經發審之先同赴督臣衙門遞呈推卸於廣州守張錫雷州守甘士琦會審之日盡翻前署藩司王暮署臬司尹繼善等審確之原供俱稱被糧驛道何師儉逼勒以爲開脫官達污蔑楊文乾之計督臣孔毓珣均於本年九月內已將何師儉糾叅

十一月二十四日孔毓珣同

欽差臣留保喀爾吉善署撫臣傅泰提何師儉嚴審因
其極口稱冤當堂立將何師儉上鎖押發按察司
監禁及二十七日何師儉草職部文到粵署撫臣
傅泰檄令按察使公元會同臣訊供詳解臣隨同
公元會審陳成元指稱何師儉遣家人沈二勸伊
出首何師儉力辯並無其事將沈二嚴加夾訊亦
堅供不認又將何師儉逐一推究據何師儉剖白

甚明及駁詰陳成元等莫不理屈詞窮惟范禧勸
章燦出首尚屬有因然何師儉亦無恐嚇逼勒情
弊再查林公官一案前經知府張錫等叅審數次
各犯證並無供及糧驛道書辦黎永姓名茲因何
師儉被叅鎖禁林公官忽改前供捏出黎永為見
證其為賄囑朋謀情甚顯露官達欲自卸婪贓之
罪必先令陳成元等盡翻原供欲波累楊文乾必
先歸咎何師儉總以楊文乾之存歿顛倒叅欵之

是非臣目擊官達等陰謀翻案情形審過何師儉
並無逼勒情節理合據實繕摺奏

聞伏乞

皇上睿鑒謹

奏

爾其公正爲之朕從不預橫成見於胸中論事惟準乎
理用法惟期於平前命傅泰署撫并差留保等往粵於
陛辭時朕經備悉訓諭伊等亦皆領會朕意斷不至爲

匪黨所惑至於何師儉朕怪其與礦徒貪利甚屬負恩
其別案已有旨矣秉公審理可也

同日又

奏為奏明礦徒情形並陳管見事竊廣東各屬山場
所在皆產銅鐵鐵爐現在開煽輸稅未奉停止惟
銅礦久經封禁但粵省田少人稠民無常業自銅
礦奉禁以來附近居民仍復羣聚偷挖在地方文
武各官視銅礦為小民衣食之地明知偷挖不行

攔阻督撫提鎮知有礦徒聚集雖檄飭官弁驅逐無如伊等聲息甚通官弁未到之先則已另往他處官弁既去之後旋回壠口挖砂其實礦徒究未

嘗一日逃散也

臣查肇高雷等府民間貿易行使

錢法

之壞非但粵東一省湖廣更甚不然何故而有黃

悉係唐宋舊錢廣韶等府俱用低薄砂錢相隔一

銅之禁

耶徐徐料理方期漸有成效待各省開爐後再

二百里之間錢有行使不行之別故錢法之壞

看光景

莫甚於粵東倘蒙

勅令督撫勘明各屬山場照雲南湖廣之例一體開礦

粵省

收銅朕已諭孔毓珣緩爲之矣

採銅并歷年收買之銅器設局鼓鑄所有唐宋舊

錢及低薄砂錢令各州縣於收買銅器處所發價

收買新鑄制錢分運各府換銀行行使支放兵餉搭

定銀七錢三將見舊錢砂錢自然無適於用而現

偷它

之徒仍當竭力禁之

在偷挖之礦徒轉為開採鼓鑄之大役

國寶流通於薄海羣黎食力於銅砂是誠一舉而兩

得也或以開採銅礦疑夫役易聚難散但銅礦與

鐵廠無異今鐵廠所需夫役頗多取結互保並無

言之固易開採之後則難辦其孰為土著孰為外來者
矣即使止此附近居民業俱往厥開採其田地倩誰為
之耕種耶從來力作之事係農所長習勞服役非士與
商所能使農夫咸離南畝棄耒耜而事攻鑿夫豈敦本
抑末之道歟

皇上睿鑒謹

奏

粵東開採一事言之者甚衆朕殊不以為然蓋緣粵省
不比滇黔一者民俗善盜二者米穀不敷開採雖獲礦

砂之利然寒不堪衣饑不堪食而聚集數十萬不耕之人於荒山窮谷之中其害不獨有悞農業而已也縱云窮黎餬口資藉終非養民之上策現據金鉷亦有開礦之請尚未議定俟試行後再降諭旨

同日又

奏為奏明事竊廣東沿海州縣共三十五缺例應於通省現任州縣內揀選調補向因前撫臣楊文乾入

覲之後奉

命赴閩署撫臣常賚阿克敦石禮哈接續交替以致沿海之州縣缺員不補率多署理伏思長才難得

所論

一人而治一縣尚慮精力不逮事多廢弛若以一人而兼兩縣審理詞訟徵比錢糧深恐來往奔馳

顧此失彼臣因酌量地方之繁簡考核牧令之才情隨將連平州知州李煒擬補崖州韶州府通判陸國柱擬補萬州感恩縣陞任知縣葉世美留補

海豐縣西寧縣知縣薩海擬補新寧縣乳源縣知
縣王維炳擬補吳川縣平遠縣知縣劉延泰擬補
遂溪縣靈山縣知縣林榆擬補合浦縣開建縣知
縣邵成正擬補徐聞縣至南海番禺二縣現在缺
員雖非沿海之缺然附在省會尤須幹員方能勝
任臣因選擇英德縣知縣劉庶擬調南海縣普寧
縣知縣藍鼎元擬調番禺縣已節次詳明督撫聽
候

題到之日有旨

題補俾得各專職守亦使人地相宜臣於屬員之賢
否無不留心稽查如雷州府知府甘士琦聞其收
取已革陋規需索盤倉夫價臣恐人言未確復行
細加訪問使甘士琦果有劣蹟彰聞自不敢代為
容隱倘無確實欸證亦不敢冒昧揭叅臣惟一秉
至公勤慎辦事以仰副

皇上愛惜人才之至意耳謹

奏

甘士琦人甚庸平前經批諭矣即使此事訪無欺證亦一無足取非可惜之材器也

雍正七年三月初三日署理廣東布政使臣王士俊謹

奏為恭謝

天恩事本年二月十五日臣齋摺家人回粵蒙

皇上賜臣

御書福字一幅哈密瓜一圓臣即趨至河干叩頭跪接

捧入臣署恭設香案謝

恩祇受訖伏念臣一介庸愚至微極陋乃荷

聖明擢用

寵賜遙頒敬瞻

宸翰增輝實為見所未見初識西陲異品更屬嘗所未

嘗瓜由奇種非同四月生瓜福自

天來永賴

九重之福亦賴百職兆民效順所致耳

九重洪福臣仰邀

異數感激靡涯敬謹繕摺奏

謝伏乞

皇上睿鑒謹

奏

覽

朕觀傳奏識見甚不妥協汝意以為何如其操守若何
居心立志若何辦事之才若何統率屬員公私明闇若
何秉公抒誠據實奏聞但須密之少不密則自貽伊戚

亦不可因係上司而曲為回護據汝所見無欺無隱奏
來

同日又

奏為恭報米價平減二麥豐盛事竊粵東天氣溫和
農家播種甚早二三月間即係青黃不接之際故
每歲米價入春必貴上年雨暘時若各郡豐收現
在之糧米較諸去冬每石復減價一錢一二分不
等民無艱食人皆樂業目今大麥小麥遍野青蔥

惠潮二府種麥最多更為茂盛春末夏初悉可收
獲是皆我

皇上聖德感孚屢豐獻瑞海邦童叟共樂盈寧所有粵
東米價平減二麥豐盛情形理合繕摺奏

聞謹

奏

汝等守土之官果能公忠誠恪懋修厥職以敬迓

天庥自當頻獲嘉應也

同日又

奏為恭

進方物以展微忱事竊臣自雍正元年由庶吉士奉
旨揀補河南牧令迄今數載未效寸長乃蒙

皇上軫恤生全逾格超用又於常祿之外給以養廉
高厚之恩有加無已而臣獨無以少盡葵忱歟凡何可
言喻茲購覓粵東土產九種裝封齎

進雖些微方物未足盡臣至誠至敬之心

皇上宵衣旰食亦不以此微方物為輕重第臣六年外

吏遙隔

天顏犬馬戀

主之私愈久愈切計惟有藉此些微方物庶可展臣至誠至敬之心於萬一是以不揣菲褻跪叩

上陳伏祈

皇上睿鑒謹

奏

豈有是理朕覽奏愕然未料王士俊如此向朕展布誠敬也荒謬不通處曷勝批諭

同日又

奏為懇

賜起運銅斤留粵就近鼓鑄事竊照粵東錢法甚壞臣於上年十二月內已經繕摺奏

聞矣但鼓鑄一日不開則砂錢舊錢一日不止粵人所置器皿等項用錫者多用銅者少自奉

粵東收銅奉行不力者緣經密諭孔毓珣緩為之故非
旨收買黃銅器皿以來現在收貯會城者僅五萬二千
朕不知之事爾當據實直奏方是乃託辭巧飾用錫者
多用銅者少甚屬不合果如所奏粵省黃銅器皿常無
銅止有二萬六千五百八十六斤為數寥寥不敷
存留者矣今若飭令徧查官民私用之銅器恐汝等未
鼓鑄雖各屬山場類多銅礦然尚未奉有
必能盡數收買無遺也似此巧詞卸責不純之念亟當
諭旨不敢開採臣再四思維查粵東每年上下兩運共
改除

應採辦解部銅斤五十五萬四千三百九十九斤
零除銅價外每斤應支水脚銀三分共需水脚銀
一萬六千六百三十一兩零皆於正項開銷仰懇

皇上洪恩將雍正七年分解部銅斤留在粵東就近設局鼓鑄以解銅水脚充為鼓鑄之費而有餘所鑄之錢按數搭放兵餉不必拘定一成二成之數則國寶流通於百越而砂錢舊錢隨便收買民間自不復行使矣臣為錢法起見故敢冒昧陳請伏乞

皇上睿鑒施行謹

奏

設局鼓鑄之請現交部議候旨遵行將解部銅斤即留
粵省何不經之論至於此極耶

同日又

奏為敬請開例墾荒事竊照粵東幅員遼濶生齒殷
繁奈逐末者多力田者少以致每年本省所收之
米麥不敷民食臣抵粵歷今四載每因公務往來
目擊各府之荒地無處不有而肇高雷廉等府為
尤甚當即備詢父老或云不通水利小民無力開

渠或云原欲墾荒一時苦無農具此粵東之田地所以每致拋廢而糧米時致缺乏也臣見現在直隸興修水利而民有良田雲貴開墾邊疆而野無曠土各省俱有成效粵東應亟舉行已於本年正月詳明督撫將粵東荒地照雲貴開墾捐納項欵其牛種等費每畝折銀一兩項數銀數照直隸水利營田

題請暫開事例奉督撫批令查明荒地確數然後具

題斯固督撫慎重周詳之意但拋荒之地清查匪易
必欲得其確實數目惟有日延一日年復一年任
其終歸廢棄而已伏查雲貴督臣鄂爾泰請開事
例亦止聲明有地可墾未嘗實指荒地幾何良以
荒地高下錯雜一時難以數計迨至無荒可墾始
有成規倘蒙

皇上洪恩將粵東准同雲貴一例開捐則不耕之土均
變膏腴歲歲加增

國課萬年開粒食之源人人力作謀生百越享盈寧之樂矣是否可採伏乞

皇上睿鑒施行謹

奏

觀汝非請開礦即奏開捐朕甚疑之汝等大員操守為第一要著大不法則小不廉其吏治官箴尚何可問也慎之朕念各省荒地有願墾而力或不逮者已特旨飭諭該督撫等動用存公銀穀查借矣其已墾未報者准

令自首免其隱匿之罪亦經頒諭通行汝但當遵照諭
旨遇願墾無力者量為資借已墾未報者實力勸首申
飭州縣有司一體奉行自有成效何得援滇黔之例而
欲另起爐竈耶粵省非如雲貴土廣人稀又係新闢苗
疆之可比此奏大不是矣

同日又

奏為恭謝

聖訓敬繳

硃批事雍正六年十二月二十八日臣初次齋摺家人

回粵臣叩捧

硃批敬謹細繹仰蒙

皇上憫臣愚昧無知矜憐備至

命臣統率屬員須激揚訓導兼能顧恤不宜過於嚴刻

跪讀再四起敬起畏刻肅銘心涕淚交下及讀至

克遵朕諭而行方為不負知遇如此則君臣契合可

為千秋佳話之

諭旨臣望北瞻

天俯首搶地中心感激口不能言臣何人斯其堪當此
異數耶迨本年二月十五日臣第二次齋摺家人回粵
跪讀

硃批蒙

皇上訓臣滌除科甲袒護之習諸凡不必矯廉尤戒深
刻過猶不及欲速不達仰見我

皇上訓誨臣工周詳懇摯冀其溫厚和平端方正直甚

於父師之教子弟臣雖駑鈍亦具肺腸倘不念茲
在茲心體力行何堪復與於人數惟有凜遵

聖訓凡事詳情酌理不敢嚴刻務殫精誠整躬率屬以
期無負

知遇之

洪恩於萬一耳所有臣頂感下情理合繕摺奏

謝并將兩次奉到

硃批奏摺彙齊恭繳伏乞

皇上睿鑒謹

奏

奉朕獎許之批作嚴訓觀誨之旨作溫諭解能如此始能負荷朕教誨之恩若稍加獎許便肆意舞巧偶遇誠飭即驚惶退縮斯乃糞土朽木之質何堪雕琢凡接讀訓諭俱當返身內省有則改之無則加勉不必窺探朕之喜怒但具一片忠誠對越

天地神明以期克盡臣節庶幾無忝厥職否則身膺守土

之責尸居表率之任寧無愧乎思之誌之

硃批諭旨卷七十三之一

欽定四庫全書

硃批諭旨卷七十三之二

硃批王士俊奏摺

雍正七年四月二十日署理廣東布政使

臣王士

俊謹

奏爲遵

旨明白回奏事雍正七年四月初二日署撫

臣傳泰傳

臣入署宣讀

皇上諭旨此吳如譯所奏四摺孔毓珣傳奏王士俊樓
儼具摺明白回奏覽吳如譯奏詞儘有不通識見畧
鄙處但粵省吏治民情至於如此在傳泰初到且不
論外如孔毓珣王士俊樓儼三人受朕格外成全委
任捫心自問當如是報朕乎能不汗顏乎乃王士俊
反有開礦之請是何意見耶嗣後若再不實心整飭
貽誤地方不但法難寬恕亦何面目立於鄂爾泰田
文鏡李衛等數人之列也朕實爲汝等愧之爲粵省

憂之奈何欽此臣敬聆之下戰兢悚惶跪不能起謹就吳如譯所奏各款逐一另摺遵

旨明白回奏外竊念臣一介庸愚居官絕無瞻顧前因招怨被叅蒙

皇上格外保全無邀

擢用感切圖報奮不顧身自署理藩司以來首以澄清吏治愛養民生爲急務訪明屬員中之有玷官箴者俱經詳叅訪知州縣内有私派者痛加禁革除

姦剔弊弭盜安良現在吏皆守法奉公民悉安生

樂業

臣所自信少可仰酬

知遇之隆者惟此實心辦事而已使果若吳如譯所奏

各摺是良民盡爲盜賊官吏無不貪婪

臣竟同木

偶一無覺察辜負

聖恩罪已擢髮難數

皇上即不立加譴責

臣

何敢覲顏人世苟且偷生豈僅

不堪與於鄂爾泰田文鏡李衛之列亦斷不足列

於人類之中查吳如譯所奏四摺不獨原非吳如

譯確有所見聞亦並未出自吳如譯之手筆本年

正月初旬廣東鹽法道黃文煒曾向臣言有原任

吳如

譯乃碌碌庸流朕所深悉之人閱伊條奏即疑有

人代

爲具草今果不謬趙之璋者寓居省城大佛寺

貴在

捏作條陳賣與吳如譯得銀二十兩緞二聯并與

吳如譯約定俟蒙

地方上有不安分之事當嚴究以聞

皇上鑒賞用吳如譯爲督撫另行厚謝等語臣以吳如

譯愚不至此未之深信何意吳如譯竟將遊客之

虛詞上塵

聖明之顧慮在吳如譯輕率欺罔咎固難辭而臣遙隔
天顏未能遽釋

皇上焦勞之念不克分憂之罪又奚敢自恕今惟有倍
深悚惕竭盡駑駘於吏治民生益加上緊整理以
期仰副

皇上委任勉勵之

洪恩於萬一耳爲此繕摺謹

奏

覽爾所奏朕心雖覺少慰然究未能釋然而不疑也勉爲之

同日又

奏爲陳明徵糧積弊事竊照粵東通省額徵民屯糧米三十二萬八千五百餘石儘數支放兵糧康熙五十四年間前撫臣楊琳以各屬有離鎮營寫遠者本色難於解運共改徵折色米二萬一千餘石

將價銀散給兵丁令其自行採買

題允遵行在案其餘之米自應照額仍徵本色解放
兵糧因納戶艱於運米樂於折銀而經徵之州縣
雖借名順從民便其實別有所圖如徵米一石則
多收價銀一二錢不等又有米鋪與兵丁交結勾
通包攬支放每石較諸時值多索錢餘州縣交價
於米鋪兵丁即向米鋪支米及米鋪納價於兵丁
任其另行買食此粵東之積弊也第州縣存倉穀

石於雍正二年間經督臣孔毓珣

題定每年春夏二季應支兵米在於存倉糶三穀內
碾放俟秋冬徵穀還倉民力自覺寬舒倉穀可免
浥爛立法未嘗不善無如州縣貪折徵而得高浮
之價並不以倉穀紅腐關心納戶喜折徵而省解
運之勞絕不以倉穀霉浥動念且兵丁於米賤時
則欲折銀自買冀有贏餘米貴時仍欲按額支米
希圖便益止此收放糧米一事難免諸弊叢生臣

不敢瞻顧因循遵例嚴飭各屬春夏碾穀支放秋冬儘數徵還并訪有番禺縣米舖黃聲知等八名久慣私收州縣米價包攬射利已經提訊究處餘俟次第整理爲此繕摺奏

聞謹

奏

別除積弊可嘉之至諸凡但於公誠不欺處勉之汝非未經訓飭初仕新進不知朕者可比朕之是非棄取可

以深信無疑復何顧慮之有

同日又

奏爲恭報二麥豐收米價日減事竊查粵東本年自
春入夏雨水調勻二麥俱收有十分之數早稻將
次種畢矣目下米價惟南雄府每石尚需銀一兩
一錢至一兩四分不等省城米價每石八錢六七
分至八錢不等惠潮肇高等府米價每石更減七
八分廉雷瓊三府米價每石七錢至六錢不等臣

民愚

於四月初旬因公往肇途次往來目覩新禾初插無知好為預期過望誕妄之語何乃錄以清奏從

來盡

四野青蔥詢之

父老皆云今歲必然大有並云前

天

似此

歲此時米價騰貴目下米價賤於前歲十之六七

口即

等語年豐米賤山海救寧據臬司臣樓儼云本年

於

通省報盜共一十一案是竊非強者五案似此盜

天

之謬

風衰息民皆樂業此實我

皇上

威德之所致也理合據實奏

聞伏乞

位各安其分以待

上蒼之垂佑可耳識之
皇上睿鑒謹

奏

覽雨水米價情形朕懷深慰但敬慎之念毋得一時少
懈

雍正七年六月十一日署理廣東布政使臣王士

俊謹

奏為恭謝

聖訓敬繳

硃批事雍正七年六月初三日臣齋摺家人回粵奉到硃批臣叩頭捧閱仰荷

綸音肫摯指示周詳自當事事實心遵行無少隕越臣因愚昧無知前經備物呈

進蒙

皇上恩賜訓誡並大學士臣張廷玉傳

旨嚴加申飭臣跪讀再四惶悚靡寧深自刻責伏念臣識見淺陋愧乏寸長遭際

聖明倚任擢用臣清夜自思七年外吏所可藉以報

君恩勵臣節對

果能身體力行此無欺二字一生受用不盡勉之
天日誓鬼神者惟此誠樸無欺清白自矢而已即臣前曾

奏

請開採銅礦捐納墾荒亦止知爲地方起見何敢稍

萌不肖之心然臣賦性庸愚不能深悉流弊以不

事屬可疑故有前諭諒汝亦斷不肯背理負恩至於此

應奏請之事而遽行奏

極也果因識見不到一時謬誤庸何傷
請負咎實多乃蒙

皇上憫臣庸愚開臣茅塞自蒙

皇上訓誨一番則臣之識見長進一番臣之愧悔已極

臣之感激愈深理合繕摺奏謝

聖訓并將奉到

硃批奏摺恭繳伏乞

皇上睿鑒謹

奏

覽

同日又

奏爲營汛乘機搶奪密請

敕部嚴加治罪事竊查沿海設汛原以緝盜而巡海兵
弁往往乘機搶奪如雍正六年八月有福建龍溪
縣人徐榜與同伴陳貴等往噶喇吧貿易而回行
至粵東新寧縣黃茅頭海面遭風壞船廣海寨守
備鄧成同兵丁麥興瑞等巡哨至彼撈獲銀錢私
分不報且忍視徐榜等危急不救現今起出銀番

錢一箱經臣具詳督撫

題叅在案又有香山縣澳門番人月旺踈夏置買紬
緞銀器等物往交趾貿易在瓊州府會同縣潭門
埠下墩海面遭風船被打傷該汛百總文秀因何
庇官報知即駕小船四隻搬運貨物及上岸時止
交還月旺緞八疋銀器五件餘盡侵匿不吐現在
檄行瓊州府審確究追臣聞此等惡習凡沿海各
省在在皆然既悉情形不敢隱默理合仰請

敕部嚴定加倍治罪之條庶兵弁皆知畏懼而商船可

保無虞矣

臣謹繕摺密

奏伏乞

皇上睿鑒施行謹

奏

此奏甚是候朕另有諭旨

同日又

奏爲恭報早稻收成米糧價值事竊粵東春夏雨水

調勻田禾茂盛第廣肇二府所屬之南海高要等縣近河田畝俱賴圍基保護每年西省水漲時被衝決五月二十三等日西潦乍發水勢汪洋南海縣屬之沙利碧岸仁亨花岡黃枝等處圍基俱有衝塌臣即遣南海縣知縣劉庶迅往查勘督率圩長鄉民堵塞今據劉庶查明西潦未發之前田禾收割將半及水退田乾之後各圍仍有收成臣復加意撫恤委係勘不成災其餘各屬早稻收割

將完查通省實有九分十分之數省城米價現在
每石八錢四五分各郡之米賤於省城如潮州府
屬普寧大埔等縣米價每石止五錢三四分雷廉
等府米價每石亦止五錢以至六錢不等理合據
實奏

聞謹

奏

深慰朕懷蒙

上天優錫豐年獲如此收成當益勉吏治勸導黎元改除
囂習共效淳良以期永迓

天庥可也

同日又

奏爲遵

旨據實密覆事雍正七年六月初三日臣齎摺家人回
粵捧到

硃批諭旨

臣

欽遵查得署撫

臣

傅泰於雍正六年九月

二十五日署理撫篆迄今已閱八月餘矣傅泰待
臣甚好無所掣肘臣於一切公事無不開誠布公
告知傅泰請其主裁奈傅泰胸無定見毫無可否
偶有議論亦屬平平傅泰之識見久在

聖主洞鑒之中臣未敢以爲高明也至於屬官之禮節
陋規傅泰並未收受年底端陽止收司道食物一
二種而已惟訪聞粵海關新充書辦陳炳文范九
錫潘棟高維新柳大本五名傅泰每名各得銀三

百兩方准入冊著役有庫房書辦周瑛經手送繳
即此一端傳泰之操守臣未敢信其廉潔也人之
立志居心原難窺測然聽其言語觀其作爲已可
知其立志之高下居心之邪正傳泰雖才力未優
而志非卑陋雖猜疑太甚而心切公忠傳泰之立
志居心臣未敢以為不善也人之辦事敏鈍每視
其才具之短長傳泰性拙善忘粵東案牘繁劇未
能周知原委府州縣進見時言及錢糧但云你向

藩司說言及刑名但云你向臬司說傅泰之辦事
臣未敢以爲敏練也凡督撫之統率屬員自當甄
別賢否不可少存瞻顧原任廣南韶道林兆惠承
辦楠木侵冒之銀甚多督臣孔毓珣因林兆惠係
伊保舉之員情願代林兆惠發銀五千兩交庫以
爲採運楠木之用臣屢次詳請叅追完帑乃傅泰
竟被孔毓珣愚弄每以事關

欽工不便題明致令侵冒銀兩尚無著落其餘府州縣

有貪劣確據者經臣訪明詳揭已陸續糾叅傳泰未嘗不極力稽查但耳目所寄不得其人事未行而機先露縱無不公之處却有瞻顧之形傳泰之於屬吏臣未敢以爲明決也至傳泰性雖優柔人實謹厚吏才不足而怠惰絕無緣奉

諭旨下詢臣斷不敢一字涉欺一毫徇隱謹據實繕摺密爲

奏覆謹

奏

所奏傳泰之居心行事甚屬公當既然好醜相半猶可
徐觀後效如肯立志向上自日有進益若萎靡不振則
漸沉於污下矣可推誠協助莫失同舟之誼

同日又

奏爲奏

聞事竊照粵東各道員缺蒙

皇上廑念海疆

欽定四庫全書

硃批諭旨

卷之二十一

十四

特命李可淳劉運鮒陶正中于其珣等四員來粵補用

經督撫將陶正中委署糧驛道李可淳委署廣南

韶道劉運鮒委署惠潮道于其珣委署肇高廉羅

道各員雖署事未久而才具畧見一斑陶正中爲

人持正辦事頗勤李可淳爲人老練辦公甚力劉

或恐

運鮒爲人謹飭似少吏才于其珣爲人勤謹志在

急公但此一人語是極胸中能有如是衡鑒方可居統

率之任即依此秉公爲之毫不預蓄偏私之念察吏之

定評也再原任惠潮道樓儼奉

道畢矣
特旨署理臬司印務到任四月以來該員感激

此人果肯竭力奉公何事不克辦集耶

天恩力圖報效盡心辦事不敢偷安但自上年大病之

古人云為善日強既能盡心辦事朕可保其精神行當

後未免精力少衰粵東案牘繁劇恐難一時肅清

倍增也

容俟徐觀後效臣謹繕摺奏

聞伏乞

皇上睿鑒謹

奏

覽

雍正七年七月二十四日署理廣東布政使臣王

士俊謹

奏爲恭謝

聖訓敬繳

硃批事雍正七年七月十四日齋摺人回捧到

硃批臣即叩頭跪誦蒙

皇上訓勉備至指示周詳臣銘心刻腑務期竭盡公誠
力行罔懈查粵東人情不甚厚道風俗未敦古處

田畝之欺隱頗多富戶之慳吝更甚蒙

皇上矜憐愚昧昭示津梁

諭旨諄諄通行布告欺隱准其自首富戶勸以通融大
哉

王言如綸如綍臣即轉飭各屬多寫告示勸諭紳士鄉
民臣又恐地方遼濶告示未能逐處遍貼遵將兩
道

上諭敬謹刊刻各刷四萬張分發州縣衛所家諭戶曉

俾窮鄉僻壤無不周知以仰副

皇上立訓之至意合將奉到

硃批奏摺一併呈繳伏乞

皇上睿鑒謹

奏

多刊廣布甚好原當如此實力奉行

同日又

奏爲遵

旨密覆事臣齊摺人回蒙

皇上頒示廣東左翼副都統吳如譯奏摺一扣并奉

硃諭吳如譯此論據汝意見又謂何如密之少不密非

自利之道也欽此臣細訪粵東鹽務本籍素無殷實

商人從前聲勢赫奕之埠商半係督撫司道之奴

僕盈千累萬之資本盡屬伊主之官囊今則從前

發本行鹽之督撫司道無一在粵久將原本收回

家人星散現在之商人類皆外省之賈客多則萬

金次則數千金僅可勉力拆運無誤餉項而已至於商人承埠必因某州某縣缺商辦課該商呈明督臣先令預完一年之餉方准給帖挨次拆鹽商人雖愚必不肯獨力辦課甘讓當道霸占行鹽取利吳如譯所奏商人辦課當道行鹽之處似亦傳會昔年督撫司道行鹽之說而非今日之實事也粵東各埠往往乏商承認而道府州縣之親友攜資到粵承埠認商者有之各官幕客積蓄館金辭

幕充商者有之若輩上有裨於

國課下無害於民生商人原無一定有本即可承充是亦情理允協無足怪者他如順德等縣屢次招商無商承認該地方官不得不代爲運銷又有無力運銷之州縣則由督臣撥發帑鹽官運官銷如惠潮所屬之長樂平遠等縣是矣在封疆大吏方且招商之不暇何致反有倚勢奪埠之事吳如譯所奏封疆大吏倚勢奪埠之處似亦影響於官運

官銷之說而未得其確實也至於沿海之州縣漁船出海捕魚悉買私鹽醃浸經鹽臣

題明增立漁引令漁戶買用官鹽埠商給標便於查驗乃漁戶貪圖賤買私鹽以致官鹽壅積缺餉無完漁戶不領官鹽情願每船一隻幫貼埠商餉銀三錢五分及總督管理鹽政歷經嚴禁飭令漁戶赴埠減價買鹽欲使官引多銷則正餉不致拖欠無如私鹽價賤漁戶以幫餉甚輕若買官鹽價須

加倍故仍有赴埠領標者發給乾標作爲已買官鹽之符券但乾標止利於買私之漁戶而不利於賣鹽之埠商管理鹽政者甚惡此弊亦何樂而縱之也吳如譯所奏沿海標過山標之處事非無據商人既在該州縣開埠賣鹽凡事仰賴州縣扶持不得不按季餽送幣銀冀其照拂臣爲肇高廉羅道時已將需索商人之封川令蔣文煒詳報於署理布政使時復將署潮陽令藍鼎元列款揭叅督

臣與鹽法道雖節次禁草恐州縣陽奉陰違終不能一塵不染吳如譯所奏需索規禮之處事非無據臣庸愚陋劣誠樸無欺地方利弊時刻採訪倘此中果有錮弊難破之處臣斷不敢代人隱諱早已奏

聞况蒙

皇上垂詢八千里之外敢不倍加敬謹小心遵即再三細訪備悉情由理合據實密覆再前代作條陳賣

與吳如譯之趙之璋係浙江杭州人現爲吳如譯
款留署中倘將來出外生事臣當查確訊究合併

奏

聞謹

奏

此奏甚屬公當詳明朕已備悉情形矣曾經詢問史在
甲所奏大槩與汝相同

同日又

奏爲恭報米價事竊照粵東今歲自春夏至秋雨暘
時若通省早稻豐登米價逐日遞減現在各府米
價每石自八錢五六分以及五錢五六分不等茲
值晚稻又經種畢萬民樂業安生臣當此豐豫之
年惟有勸民益加節省仰承

天庥再上年九月臣初署藩篆時各屬未買之倉穀尚有
二十餘萬石今皆照數買足無虧惟有撥運西穀
三十萬石分貯粵東州縣奉

旨動用正項錢糧建造倉廩據州縣紛紛請發蓋倉銀
兩臣已詳明督撫按州縣工料之多寡先發銀十
分之七檄飭興工建倉貯穀統俟告竣之後委員
核實報銷合併

奏明謹

奏

深慰朕懷實可慶幸之事粵東米價減至五六錢近年
以來所罕聞者當益加誠敬以仰答

上天之慈佑也

同日又

奏爲奏明稅契贏餘銀兩事竊照民間置買田房產業例按正價每兩稅契銀三分解司充餉之數歲有常額然常額之外類有贏餘臣經屢飭屬員務將民間舊買田產匿不稅契者悉令投稅并將稅契贏餘儘收儘解已據各州縣將雍正六年及本年稅契贏餘銀解存司庫共有四萬八千四百四

十八兩零統俟歲底彙總詳報

題達歸公因粵東城垣每多坍塌署撫臣傅泰與臣
已降旨允行傅泰所請矣再如創建倉廩以及修補等
費較之城垣尤爲緊要亦當於此項動用與撫臣傅泰
商酌行之
容俟署撫臣請
旨遵行再粵東藩庫向無存貯公用銀兩自臣上年九

月到任以來竭力清查除正項外一切雜項銀兩
分爲歸款充公二條凡有暫不報部而將來必應
歸款者臣即詳明督撫列入歸款項下有並不報

部而將來無項可歸者臣悉詳明督撫列入充公
項下今存庫充公之項現有五千餘兩臣擬飭各
好

州縣查報荒地即以此存庫充公之項爲墾荒牛
種之需倘有不敷又於每兩提解火耗四分作通
省公用項內動支臣於錢糧出入絲毫必加詳慎
所有存庫款項理合繕摺奏

聞謹

奏

覽

同日又

奏爲陳

請復設經歷事竊照各府之有經歷猶州縣之有吏
目典史所以備差遣任首領原爲不可少之員凡
各省衝繁大府於經歷之外尚有知事照磨檢校
等官即簡僻小府亦皆設有經歷惟廣東通省十
府既無知事照磨檢校又將經歷一缺於康熙三

十九年盡行裁汰以致知府左右乏人事多遲滯而收放公文惟委諸吏書之手尤爲易生弊竇似應將粵東各府經歷一槩復設庶知府得有首領之員經歷得供任使之責實於各府有所裨益臣在粵已久頗悉各府事宜深知經歷必不可無故敢敬陳管見伏乞

皇上睿鑒施行謹

奏

此奏是候交部議覆後照汝所請行

同日又

奏爲密陳各鎮賢否仰祈

睿鑒事竊照粵東濱海環山各鎮犄角控制臣在粵年

久鎮臣之賢否知之頗詳左翼鎮總兵謝希賢才

矣宣待汝奏

具平庸似難勝任右翼鎮總兵馬紀勲恬靜和平

識見平常

訓練得法潮州鎮總兵尚濬實好已擢用浙江提督矣

此人

早應擢用因其尚氣恃才欲磨煉數年之意今可

次定四庫全書

硃批諭旨

二十四

覺人地相宜兵民安戢臣爲海疆起見故敢據實

密摺奏

聞伏祈

皇上睿鑒施行謹

奏

覽

同日又

奏爲敬陳管見以廣

皇仁事竊照各官有罰俸之處分原所以懲其既往勉其將來使之勤謹奉公無少隕越法誠善也第官職有崇卑俸銀有多寡其在州縣以上均有分給養廉即議處罰俸不難指解惟佐貳雜職官卑俸薄一經罰俸措解甚難臣一介庸愚備員布政使茲值雍正六年錢糧

奏銷之際查造冊籍奈粵東縣丞吏目典史巡檢驛丞等官從前罰俸之案甚多有在任甫及一年而

罰俸已逾三四年者其罰俸銀兩未能解繳復被
叅追臣細訪佐貳雜職向來不無私准詞訟收受
陋規今遵

功令嚴禁稍玷官箴即行咨革類皆兢兢自守莫敢

兢兢二字未必盡然也莫被所欺

以身試法微員各有父母妻孥必需日用衣食按
季領俸猶覺餬口艱難倘經叅罰安有俸銀完解
但罰俸原有定例臣何敢冒請變通倘蒙

敕部止嚴罰俸之處分停其陞轉免追罰俸之銀兩贍

其食用則微員俱有實在之常祿不虞朝夕之無
資咸感

天恩於無既矣可否採擇伏乞

皇上睿鑒施行謹

奏

此奏是候朕另有諭旨

雍正七年九月十五日廣東布政使臣王士俊謹
奏爲恭報米價事竊照粵東天和地潤一歲兩收早

稻登場在於六七兩月晚稻刈穫常在冬間今歲
雨水調勻早稻十分豐收各屬米價逐日遞減現
在廣州之米每石價止七錢二三分至六錢六七
分不等其餘各府州所屬米價每石自六錢七分
至五錢一二分不等至於晚稻茂盛結實一二月
內可保豐收粵東近年米價未有賤如今日者此
皆我

皇上敬

天勤民

聖德感孚之所致也理合據實奏

聞伏乞

皇上睿鑒謹

奏

歲熟米賤實慰朕懷覽奏不禁以手加額際此豐亨當益加寅畏勉竭公誠整飭吏治以敬迓

上天之垂恩錫佑

同日又

奏爲奏明粵東吏治事竊臣自上年九月奉

旨署理布政使及本年七月奉

旨實授以來屢蒙

諭旨深以吏治爲念臣凡接見郡守牧令諄切勸誡儆

其玩愒動以天良且於歷來積弊無不詳細臚列
御下之道總不必預橫成見但秉公據理以待遇應糾
逐一革除就臣管見以爲糾劾之威不如化導之
効者糾劾應化導者化導爲是若言糾劾必不如化導
善雖人才長短不同但肯竭盡心力視

猶屬一偏之見倘被屬員窺破此意咸時斷不糾劾則
國事甚於家事自必著有成效裨益地方邇來粵東
將來反致盡行糾劾而後已殊非駕馭屬員之善策
郡守類知察吏安民堪膺表率州縣中如南海令

劉庶署番禺令龐嶼三水令陶德燾新安令王師
旦政績綽有可觀其餘州縣亦各奉公守法爭自
濯磨而奉

旨來粵試用人員以及知縣以下試用之員孫嶠等歷
經委署縣篆尤能竭蹶辦公偶有一二不可姑容
之輩已被督撫糾叅如前督臣孔毓珣

題補廣州府理徭同知此人何足論及朱振基性僻行怪供奉逆賊

呂留良牌位於呂留良姦惡敗露後經臬司臣樓

儼訊有確據會同臣詳明署撫臣傅泰

題叅在案再新任韶州府知府陳鴻熙爲廣州府理

徭同知時頗有辦事之才奈自陞授韶州知府以

後志得意滿口出大言聞於官廳內直呼督撫姓

名罔識尊卑之分臣又訪得陳鴻熙奉署撫臣委

管太平關稅務苛刻商民具前在順德縣知縣任

未料

陳鴻熙

如是也

內私收鹽埠銀六千九百餘兩侵蝕不吐茲陳鴻熙雖報丁父憂似應留粵追補私收銀兩至傳泰

署撫經年兢兢自守爲人謹愿性亦和平臣遵奉

諭旨惟有與傳泰同心協力整理封疆斷不敢一念存

欺致違

好

聖訓督臣郝玉麟語言明白辦事勤謹將來熟悉民情

郝玉麟

朕甚爲期望然須明試以功再看

土俗自必因地制宜敷施允當再粵東佐貳雜職

多屬清苦臣仰體

皇上軫恤微員至意已與傳泰熟商各議給養廉通省
州縣所收田房稅銀臣時刻稽查自上年冬季及
本年春夏秋三季已有羨餘銀七萬兩零解存司
庫微員養廉并修理城垣補建倉廩俱可於稅羨
是

內支用統容詳明督撫另行

題請合並奏

聞謹

奏

覽

同日又

奏爲清查溢額錢糧以增

國課事竊照錢糧按畝徵收原屬歲有常額然於常額之外有縉紳士庶將錢糧欺隱不報者有州縣官吏將錢糧私收不解者縉紳士庶欺隱田地疊奉

諭旨寬展限期准其首報

臣遵將

諭旨刊刻印刷分布州縣遍貼村莊俾窮鄉僻壤無不周知但通省地方遼濶伏計

諭旨分布之日已值定限將屆之時愚民或恐逾限干咎雖有欺隱之田地仍將畏縮不敢遽然呈首臣懇

皇上將粵東一省隱田自首之例再寬限一年容臣徧行曉諭悉令儘數報出則縉紳士庶無復有欺隱之弊矣其官吏私收錢糧侵漁不解者皆係里民

呈報墾荒之地畝從前之州縣不行轉報私自墾
科年復一年積累溢額多者數百兩少亦數十兩
遂爲官吏所朋分而歷來之州縣每將正供已經
徵足先扣收溢額之餘銀下剩者抵作民欠之正
供在任則續徵尾欠以補解離任即指民欠以交
盤粵東錮弊相沿莫知究詰臣深悉原委隨即通
飭各州縣將溢額銀兩據實首報不得仍前隱匿
侵漁已據番禺香山增城順德從化東莞等縣俱

將溢額銀兩詳報前來臣思官吏侵蝕錢糧法固不容寬假但事久年深官經屢易勢實難於追究仰懇

皇上洪恩恕其已往私收之罪緩其將來數月之期統俟各州縣陸續報到臣於歲底彙詳督撫

題明歸入正項一體徵解則

國課有加田糧無隱清查既力流弊自除矣合先繕摺奏

聞伏祈

皇上睿鑒謹

奏

是彙詳督撫具疏題請候旨遵行可也

同日又

奏爲敬請添設巡道以資兼轄事竊查粵東肇高廉
羅道管轄肇高廉三府羅定一州駐劄肇慶雷瓊
道管轄雷瓊二府駐劄瓊州肇慶密邇省城原不

需道員駐劄因督臣移駐肇慶兩司俱在廣州肇
慶留一道員聽候督臣批審事件必不可少但自
肇慶以至高州水陸計十有餘日自廉州以至肇
慶步行亦需二十日幅員遼濶呼吸難通肇高廉
羅道之不能兼顧高廉其實勢所必至雷州雖爲
雷瓊道所管轄奈雷州在海之北瓊州在海之南
中隔大洋風信靡定猝有緊急公文傳遞阻滯雷
瓊道之不能兼顧雷州更屬顯而易見雷州僻處

海濱與交趾接壤爲粵東要地高州居雷廉二府之中僅有總兵彈壓兵弁而無敵體之巡道同城共事公務莫與咨商其勢甚孤臣請添設巡道一員駐劄高州府即以高雷廉三府州縣隸其所屬名爲高雷廉道改肇高廉羅道爲肇羅道仍駐劄肇慶改雷瓊道爲海南道專轄瓊州則海南道鮮海洋遙隔之虞肇羅道無鞭長不及之慮而高雷廉道得居中馭近之宜矣抑臣更有請者惠潮道

駐劄潮州接連閩省山海交錯關係非輕應與添設之高雷廉道及改設之海南道俱加兵備道職銜庶兼轄兵民益足壯監司之聲望協和文武自能弭盜賊以潛蹤臣敬陳管見可否採擇伏乞

皇上睿鑒施行謹

奏

此奏甚是即具詳督撫會商題請可也朕意便將爾此摺交發部議自必仍以飭行該督撫查議奏覆徒致耽

延時日莫若爾徑詳督撫較爲速便

同日又

奏爲敬陳黎岡情形事雍正七年八月初四日廣東

提臣王紹緒遵

旨齋奏摺示臣臣恭設香案望

闕叩頭捧閱內有

奏請於瓊州黎人五指山開路一摺欽奉

硃批臣跪讀之下凜懼悚惶仰見我

皇上訓誨諄切籌畫周詳

日月照臨無微不燭

臣

於雍正四年三月署理瓊州府

篆抵任之初亦以黎人聚居境內恐有事端及細
察情形始知黎人雖極愚蠢無不感激

聖恩如花梨

貢木產自黎峒深山地方官每年採辦黎人砍木運
送奔走維勤此即奉公守法之明驗也瓊州孤懸
海外環延二千餘里其中爲五指山路徑崎嶇四

圍約有五百餘里府屬三州十縣分列海濱瓊鎮
總兵官駐劄郡治副將統率水師遊巡海面各營
汎星羅密布防守黎口水陸控制在在得宜黎人
或以數十家為一崗或以數家為一崗藉五指山
為依棲之所附近州縣者為熟黎一體輸糧納課
僻處山中者為生黎力作謀生今日之熟黎何莫
非昔日之生黎則今日之生黎自必為後日之熟
黎漸摩以仁義並濟以恩威蠢爾黎人悉與平民

無異今提臣王紹緒奏請於五指山開路識量殊屬淺狹夫天地之大何所不容我

皇上澤沛遐方仁覆萬物凡在海隅日出之區無不誠心悅服況黎人近在瓊州內地伏息山間謹守法度毫無過舉使必欲鑿山開路致令無地安身殊非仰體

皇上民物胞與之至意也臣曾在瓊三月深知黎尚情
形理合據實奏

聞謹

奏

朕一覽王紹緒之奏便覺其所論不協故發來與爾等
看閱今爾所見甚屬可嘉於情於理應如是者

雍正七年十一月初十日廣東布政使臣王士俊
謹

奏爲恭報收成米價事竊照粵東今歲早稻豐收之
後自夏末以至冬初雨暘時若田禾茂盛迥異常

時茲據各府申報晚稻收成數俱有十分九分
八分不等現在各屬米價每石自七錢起至五錢
三四分不等再本年九月十六日惠州府呈送河
源縣所產嘉禾一莖三穗四穗以至六穗者共四
十八本到臣伏查粵東濱海之地水鹹土瘠非中
原沃壤可比今產此嘉禾耆老士庶皆以爲目所
未見歡呼載道衆口同聲良由我

皇上重農貴粟而四郊屢慶豐年敬

天勤民而百粵遂呈異瑞臣私心欣忭惟有與各屬倍加

敬慎共期息事寧人搏節愛養以仰副

聖主于惠元元之至意理合繕摺奏

聞謹

奏

欣悅覽之向日粵省米價常昂於直省今歲平價惟粵
東爲第一實屬希有當愈勵敬畏之念以仰承

天庥不可少肆心志失於放逸也勉之

同日又

奏爲奏明定弓虛稅事竊照田地按畝陞科原無虛設之稅其或水衝沙壓有稅無田一經地方官查勘確數應請督撫具

題豁免從未有因本縣之錢糧缺額將他縣之陞科移抵借端隱占牢不可破如南海縣之定弓虛稅者也臣備查南海縣地畝自萬歷九年清丈不知何故冊載缺額田二千四十二頃零六畝有奇該

銀八千二百七十五兩四錢七分向議每畝加銀
一分六釐四毫以足原額此定弓虛稅之由來也
行至萬歷四十六年又議將廣州府屬香山等縣
新報荒坦起徵銀兩移抵南海縣虛稅至今猶遵
行之約計香山等縣歷年陸續詳報墾荒移抵之
銀共六千九百九十二兩九錢九分零南海本縣
歷年陞科自抵之銀僅三十三兩四錢九分零尚
有未抵虛稅銀一千二百四十八兩九錢九分零

緣雍正七年有番禺等縣首墾起徵銀二百九十
二兩零奉署撫臣傅泰批行准抵南海縣虛稅臣
即轉行南海縣知縣劉庶查明抵補隨據劉庶詳
稱本年未抵虛稅一千二百四十八兩九錢九分
里民有全完者有完將過半者臣以里民既經全

完則稅之非虛可知遂將虛稅原委詳明撫臣傅
地方上諸如移抵騰那等事原為禁藪自應更正為是泰請其批定嗣後不准移抵現今番禺等縣陞科
拘定向來二字皆因循陋習豈可踵而行之但加增務
之銀仍歸各縣額內加增伏思各縣報墾陞科錢

須公當若徒知如而不知減或致輿情不服則更不如
糧自應歸於各縣額內輸納如南海縣錢糧果有
因循之相安付之其來已久四字爲妥協也大凡更正
缺額何妨查明確據詳請豁免又何必將別縣之
之舉錢糧籌畫始終萬全而爲之母送一時高興孟浪從
事滋生物議

墾動以千計而南海本縣陞科僅止三十餘兩舉

凡匿不陞科者悉飽豪強之貪墾情弊顯然臣極

知南海縣實無虛稅因令劉庶徹底清查有實在

缺額者即爲詳免委係隱匿者勸諭自首并將歷

來香山等縣移抵之銀六千九百九十二兩九錢

九分詳明督撫仍歸各縣額內徵解俾南海縣不

汝等

大員雖云當任勞怨亦必令衆心悅服而後施行

諸務

得借移抵之名以爲欺隱之地臣諸事不敢避怨

則一

辭勞而慎重錢糧尤爲專責但粵東田地隱匿頗

多一人之力有限何能建立事功也
之法稽查必有漸次南海之虛稅既除則各屬

之田糧自出雖清理在一邑而關係在通省合先

備悉
奏明伏乞

皇上睿鑒謹

奏

此奏嘉是覽之若爲除弊起見乃極善之舉若爲增額則小矣哉粵省民風惟利是圖凡關興利之舉極當詳慎設居心行事未能令吏畏民懷雖具有公忠之心不能敷補救之政也此治粵之第一要訣知之

觀郝玉麟自到任以來惟以清楚錢糧爲要務朕已批諭訓誡矣如有太過處汝可盡力規諫之不妨將朕此諭作汝意微露令伊知之汝等督藩之間或當遠嫌不

便通知則可不必

同日又

奏爲清查冒領會試銀兩事竊舉人赴京會試給以盤費銀兩原係

皇上作養人材之至意伏查粵東會試文武舉人每科動支正項銀一萬四千四百四十餘兩每人給二十兩零以爲公車之需但從前每科請咨領銀者不下七百餘人而到京會試者十無五六皆由庸

陋舉人無志上進惟借會試名色俱在本省混請
咨文以爲冒領之計及領有盤費不復進京會試
止於所領盤費之內扣銀二三兩連咨文印批交
託實在會試者赴部代投并代領回批寄付本人
收執以爲曾經會試之驗積弊相沿科科如此茲
值庚戌科會試伊邇通省舉人赴臣衙門請咨者
甚多臣不得不按名起送然錢糧分毫爲重難容
虛捏花消仰懇

皇上敕令禮兵二部俟會試之後將文武舉人入場名
姓查照點名冊行知粵省如有並未會試之舉人
冒領盤費銀兩即可追回貯庫庶會試無假捏之
弊而盤費無冒領之人矣臣從慎重錢糧起見不
敢瞻徇容隱伏乞

皇上睿鑒施行謹

奏

此奏雖是但事屬瑣屑朕不便特降諭旨該部自必行

查直省以杜冒領之弊

同日又

奏爲據實密奏事竊總督乃通省大吏必須除暴恤
商道員爲各郡監司自當實心辦事廣東督臣郝
玉麟語言便捷人似精明到任後未能深悉土俗
民情將按察使臣樓儼起出私藏軍器積惡窩盜
之黃元捷提至肇慶竟行保釋將黃元捷之壻蕭
明出示招告治以重罪蕭明素非善類固屬法不

可寬黃元捷係窩盜巨兇安可置而不問况粵民
健訟自奉招告之明示無不捏詞赴訴未免頓長
刁風又粵東鹽埠各商先完課而後拆鹽故鹽雖
未即俱銷而課實無掛欠乃督臣欲將各商歷年
完課之鹽埠悉歸州縣賣鹽收其餘利彙積歸公
臣以埠商完課在先不便無故驅斥且州縣徵收
錢糧審斷詞狀日無寧晷使欲責令賣鹽勢難兼
如此方是顧臣因力言其不可督臣遂諭令各埠加餉方免
但其本何愁未却玉麟之本志

可嘉原係武臣未諳吏治又值初到地方自不能件件妥協爾其盡心協助之朕望伊將來成一好督臣非如孔毓珣輩居心不純者之可比也

皇上不加譴責而臣心委難自恕者也至於粵省各道

朕評論員才具雖有不同類知勤慎供職第糧驛道陶正再三保奏其人品行心術朕亦經批有諭旨可於便中詢問傳秦汝自知也

到任將及一年未見有所振作淨而不實有負

之乃外君子而不足內小人而有餘者
皇上簡用至意雷瓊道王璠在任年久於所屬黎人尚

王璠前於知府任內來京引見時朕觀乃一庸碌人甚

能撫恤瓊州五指山產有楠木臣因前任廣南韶

無足取因孔毓珣楊文乾當面力保其優遂勉從其言

而加擢用據汝所奏如此則朕之鑒別為不謬矣現在

敬謹採辦該府已擇有合式者五百根支動司庫

粵省銀兩給價平買現經陸續運至瓊州海口此人所

共見者王璠昨日自瓊至省臣問以楠木多寡則

未知確數詢以屬員賢否則無一深知人雖老實

而才具平常似難勝海疆巡道之任再廣東學政

顧仔臣居心盡職處朕所深知粵省人員多有怨者謗
言顧臣於耳朕皆置之不聞不問但再留粵無益所以
另調他省又可以施展其力也今粵省增設學差令其
分督勸懲鄧鍾岳陳惠華二人朕可保其不在顧仔之
奏伏乞
下也汝試觀之
皇上睿鑒謹

奏

舉凡密奏之事關汝利害不輕臣不密則失身一語當
時刻誦之少不謹密貽悔無窮至於擅作威福純臣賢

士斷不出此若不深計利害是非或致輕忽洩露則為躁妄之人把柄被人所持雖百喙奚辭其咎慎之慎之新授觀風整俗使焦祈年乃一派天良忠誠端正人到粵時可與之和衷共濟將地方民情風俗官常吏治一一備悉告之彼此互相協助莫負朕之諄諄諭旨

同日又

奏為審明假冒道員事雍正七年十月初六日督臣郝玉麟據肇慶府并高要縣審詳廣西臨桂縣撥

役護送口稱候補副使道之梅廷馥檄發到臣即
會同按察使臣樓儼逐加研訊緣梅廷馥即鍾肖
尼係江西安遠縣無賴之徒昔年流蕩京城在原
任詹事府少詹事梅之珩寓所代寫名帖後即竊
其康熙甲午科典試江南同榜錄一本帶往江浙
福建冒認梅之珩之子假充辛卯科舉人於本年
六月內前赴廣西又假充候補副使道捏稱奉

旨同前任撫臣楊文乾往福建盤查倉穀在於廣西省

城用紅心坐褥戴珊瑚帽頂拜會兩司肆行無忌
迨瓊州府同知李達德運送楠木路過桂林備言
閩省盤糧並無梅廷馥其人而廣西各官猶畏其
聲勢莫敢過問惟遣役送至肇慶潛居高要縣監
生黃廷夢家被保長赴縣首報彼時鍾肖尼仍穿
蟒袍仙鶴補服至督臣衙門官廳內高坐旋經肇
慶府查審不吐實情及臣庭訊之下加以三木方
將前情一一供出臣即將鍾肖尼押發南海縣監

禁備錄供詞詳請督撫具

題嚴究所有臣審明假冒道員情節理合奏

聞謹

奏

覽奏甚屬可嘉類如此等姦匪不法之徒何地無之原
當時留心訪察一有發覺即行拏究盡法懲處以警
將來地方大吏果肯人人如此秉公除惡姦匪安敢不
斂跡潛蹤有益於世道民生也大矣勉之

同日又

奏爲奏

聞事竊照粵東額徵民屯糧米原以支放兵糈緣小民
憚運送之勞樂於折色州縣貪高浮之價止愛收
銀從前並不遵照定例將存倉穀石春夏碾支兵
食秋冬徵穀還倉臣前經繕摺奏

聞隨嚴飭各屬不得私收米價邇來州縣類皆徵收本
色但粵省兵丁於米賤時俱欲折銀以得多餘價

值於米貴時必欲支米以圖升斗無虧積弊相沿
習爲故智今歲早晚二稻俱極豐收米價甚賤州
縣惟以本色支放不敢折給價銀兵丁每有口出
怨言欲誣捏有司以洩其憤又如粵省錢糧火耗
往年名爲加一五六實有加一七八仍於火耗之
外事事派累里民彼時同城武弁得以私派重耗
挾制文員以致武員說情受賄文員勉強聽從今
歲火耗已經

奏明每兩錢糧加耗一錢六分奏銷刑名二項部費
另加耗九釐此外並無絲毫雜派官皆守法民無
他累乃武弁不能復以州縣爲利藪每於修葺營
房墩臺等項百計苛求甚或教唆副將誑稟督撫
臣亟期料理地方協和文武斷不使胸存芥蒂少
有參差

皇上聖明無微不燭臣不敢代爲隱諱理合據實奏
聞謹

奏

近日朕經降有諭旨此奏未免粉飾之詞汝似因有所聞而云云朕於此不能無疑也

同日又

奏爲密陳管見事竊查粵東提鎮協營朋扣銀兩一事向於領餉時不分水師陸路武職每員每月扣銀二錢馬戰兵扣銀一錢步戰兵扣銀五分步兵扣銀三分彙存司庫遇有營馬倒斃該弁詳明督

臣赴司領銀買補此係粵省之成例臣思各標鎮
協營內惟馬戰兵始有馬匹今於陸路官兵名下
扣留買補馬價固屬至當乃於無馬之水師官兵
亦按月扣存兵餉以添陸路買馬之需似未妥協
況水師除報部船隻之外每營尚有內河漿船八
九隻不等遇有破爛並未聞陸路兵丁相幫修造
雖屬徃例相沿似應少爲調劑臣已將種種情節
督臣卹玉麟亦曾奏過但與汝此奏情節不符更與督
向署撫臣傳泰備悉言明聽傳泰奏請

臣會商畫一再行具奏
聖裁再武職之有俸薪原係計日授食臣查陞遷調補

之員俱自奉

旨之日截支俸薪即業經領過者亦必按數扣追惟俟
接劄到任之日方准起支此亦粵省之成例伏思
武職自奉

旨陞調及至接領劄付其間或隔月餘或經兩月有奇
均未可定未經接劄之先該員尚在本任辦事倘
有盜案踈防仍然叅處辦一日之事自應食一日

之俸乃辦事如故叅處如故而俸薪以奉


旨之日預爲截支不復給領能無枵腹辦事之慮似應
請照八旗之例凡有武職陞遷調補其俸薪銀兩
統於離任之日截支庶營旗無所互異而食俸皆
可畫一矣臣敬將管見密

奏是否可行伏乞

皇上睿鑒謹

奏

武職俸薪截支之議甚是觀汝粵省文武不甚協和朕將汝此奏連名發出令武員聞知因此或發感汝之心與地方殊屬有益候旨可也



硃批諭旨卷七十三之二

欽定四庫全書

史部

硃批諭旨卷七十三之四

臣 永瑤 恭校

編修_臣 裴謙 覆勘

總校官中書_臣 朱 鈐

校對官中書_臣 高 中

謄錄監生_臣 王鍾岱

欽定四庫全書

硃批諭旨卷七十三之三

硃批王士俊奏摺

雍正八年正月初二日廣東布政使臣王士俊謹
奏爲據實奏

聞事竊粵東上年早晚二稻通省豐收米價逐漸平減
臣業經繕摺奏

聞今自冬入春米價平減如故二麥早已布種四野一

望青葱較諸往年更爲茂盛再粵省各州縣錢糧
歷來封印時徵解司庫通計不過五六分之數臣
查雍正七年分錢糧花戶輸將踴躍已完納八分
有零今歲開徵後即可全完合並奏

聞謹

奏

朕前諭甚明但不可少肆心志敬以處之自蒙

天鑒

同日又

奏爲書役藉勢橫行密

請嚴禁事竊各衙門設有書役所以供抄寫倘差遣

原爲必不可少之人無如若輩守法者少壞法者

何省不如是也

多廣東布政使衙門各項書役皆係父兄子姪更

易姓名替換承充盤踞既久百弊叢生臣自任事

以來逐一點驗年滿者悉行革退犯賊者枷責押

追痛戒招搖嚴加約束現在書辦封鎖辦事衙役

勤謹跟隨

此語亦未必然

莫敢仍前放縱臣由知縣以至藩司徧

歷各省每見督撫司道之書役狐假虎威無惡不作然司道之書役猶恐督撫訪拏稍知畏懼惟督撫之書役恃勢橫行毫無顧忌兇惡不能枚舉書辦有内外班名色内班經管案件外班傳遞消息朋比爲姦種種索詐飽其貪壑則改重爲輕拂其所欲則批駁不已至督撫衙役有承舍旗牌等名色各役皆自號爲差官即督撫給票差遣票内亦

寫差官某人字樣由是通省吏民無不以差官目
之平日巍坐班房包攬詞狀俟府州縣謁見督撫
時彼即囑託濫准枉斷稍不遂意即妄肆萋菲及
差往他處則騎馬乘轎沿途拜會州縣收下程而
折夫價若輩或以小惠小信趨奉督撫因委其察
訪屬官事跡益沾沾自喜故意聲揚以賄賂之重
輕定屬員之賢否大抵書辦舞文弄法差役縱肆
婪贓各省皆然臣知之最確因敢密請

諭旨通加嚴飭庶書役知所警戒而吏民得免欺凌矣

伏乞

皇上睿鑒施行謹

奏

所奏未嘗不是朕姑發諭一道通行誠飭試看但恐亦屬無益果遇督撫精明不待朕諭自能約束如遇昏懦者此輩吏胥之舞弊猶輕道府州縣之貪婪不法為害更甚從未有賢督撫能率通省屬員而不能拘管

本署胥役之理今此之諭亦不過令直省咸知朕已洞悉此事耳有治人無治法不得其人亦無可奈何之事也

同日又

奏爲奏

聞事雍正七年十二月初八日臣聞督臣郝玉麟於本月初五日半夜時遣撥叅將守備帶兵五百名前往肇慶府恩平縣臣以督臣連夜發兵必有意外

之警當即遣役探訪消息隨於初九日據署恩平縣知縣姚孔鉉報稱在於該縣土瓜蒴地方拏獲姦匪六名搜獲黃綾令旗九面內四幅寫楚震公三字一幅寫羅平二字黃綾偽劄九張內五張填有總兵李昆玉叅將劉國敬梁高陞藍登其吳建晃姓名職銜白綾偽劄四張內二張填寫副總李士貴叅將朱榮姓名職銜編列五千二三百等字號等情到臣後於十二日春江協副將陳顯稟報

署撫臣傅泰內稱風聞恩平地方有姦匪萌動差
兵丁誘出溫亞七投首供出頭子李六軍師李先
生約定十二月初二日搶恩平纔搶陽江等情又
據恩平等縣陸續拏獲供黨梁子賓等五十四名
解赴督臣衙門押發肇慶府收審傅泰亦遴委南
海縣知縣赴肇公同研訊據各犯僉供係李梅即
李先生名李贊韜又名李世信與陳京幹做割分
散李梅先稱陽江縣太平地方有銀一坑伊有術

可取及取銀不驗乃稱交趾有李九葵聚集六十萬兵馬十月裏就到廣西年號歸化割付從李九葵領來又供有一人生辰八字俱是壬寅今年八歲現在交趾山西陝西福建廣西各省都有割付又供臺灣朱一貴之子朱三太子在交趾小西天已出到巫山有幾十萬人不久有大兵來并有瘟疫鬼魅若領其割付不怕瘟疫兵鬼又供廣西大倫地方有文姓之兄在陝西要圖大事招兵二十

五萬從廣西就到廣東楚震公是文姓之弟軍師
是和尚智開能使法術等語種種口供甚屬支離
臣未敢信以爲實又據各犯供稱領他旗劄怕有
兵疫好保身家並非想要做官李梅賣劄一張要
銀三兩或索錢數百文李梅身帶木印一箇黃綾
數幅有人領劄就填寫賣給質諸跟隨李梅之蘓
子卿亦供稱小的向雇與李梅挑包袱賣藥看地
理十月跟他到陳京幹家見他做旗做劄想騙人

家錢財等語至十二月二十七日據南海縣報稱
審據李梅之壻區在台堅供十一月初七日跟隨
李梅到陳京幹家說要散劄騙人小的說散劄是
犯法的事做不得李梅說只要弄得人信哄得銀
錢就好你替我填寫何妨小的無主意就填寫了
三十多張那些三千幾百的號數都是虛寫哄人
月分是倒填七月的又供那陝西廣西交趾許多
兵馬都是李梅講的大話沒有一點影響無非聳

動人騙銀錢原無憑據的那木印是李梅自己篆寫的等供在案臣初聞恩平縣起獲劊付之日即知爲不過借劊騙錢之計大凡逆賊結黨爲匪其聚衆必有巢穴軍器必有鎗刀且必畜養馬匹堆積糧草四者缺一不可臣訪知李梅原充東安縣書辦犯事革退常以賣藥爲生茲細按各犯供情李梅散劊騙錢之原委歷歷如繪而梁子賓等分居各村皆自本犯各家拘獲無一竄聚賊巢器械

馬匹毫無所有明係李梅私造旗劄造言惑衆誠可不動聲色而消除者矣今各犯已吐露實情兵亦撤回百姓安居如故各縣挨查甚力實無匪類潛藏是可仰紓

皇上南顧之憂也臣當此訛言之後倍加防範嚴飭各府州縣上緊緝拏李梅推訊情由盡法究治必不敢少有疎忽上塵

聖懷合先繕摺奏

聞伏乞

睿鑒謹

奏

諸如此類常將小事作大事觀切不可失之輕忽地方
姦匪之為害生民烈於盜賊當時刻留心察訪稍有影
響隨即跟究毋存姑息省事之念而使滋長蔓延也譬
如呂留良輩皆因地方大吏聾聵踈慢致令數十年公
然肆行無忌是當深以為戒封疆大吏常以防未然三

字一日三省可也誌之

同日又

奏爲奏明事雍正七年九月十五日臣遣家人齋摺
進

呈用摺匣二箇一裝

奏摺一繳

硃批及十二月初一日臣家人齋摺回粵備言十二月
二十日蒙

皇上發回摺匣二箇一係空匣未鎖遵即敬負背上雇
騾起程不期行至江南廬州地方冰滑騾驚墮跌
路旁未知摺匣有無傷損等語臣恭捧細視惟空
匣鎖內跌下銅鈕一小塊理合據實

奏明並將原匣及跌下銅鈕呈繳途間冰凍墮騾固
屬家人踈忽然臣未能慎擇罪戾甚深日夜悚惶
望

天叩額伏乞

皇上俯賜寬宥另

賞臣摺匣一箇頂沐

洪恩於生生世世矣謹

奏

路途遙遠安能常保無虞此細事也何須如是驚惶朕
深惡過甚之虛文向後不可

雍正八年二月十六日廣東布政使臣王士俊謹
奏爲恭報米價事竊照粵東往年時值春間米必稍

貴今自正月以來米價日減現在廣州府米價每石六錢四五分至六錢一二分南肇二府米價每石七錢至六錢一二分其餘各府州米價每石六錢至五錢二三分不等通省米價甚賤小民餬口有餘茲二麥徧野青蔥雨暘時若臣當此盈寧之候益存兢惕之心仰體

聖主足食安民重農積穀之至意諄諄勸諭士民隨時節儉常念稼穡艱難永樂昇平豐裕所有粵東現

在米價理合據實奏

聞謹

奏

粵東米價如是平減實屬罕聞惟當愈加敬畏從事絲毫無懈時自檢點也

同日又

奏爲敬陳推廣良法事竊州縣城內設有鄉約朔望

宣講

上諭遵行已久雍正七年閏七月內又經大學士公馬
爾賽等議令各州縣於大鄉大村人居稠密之處
俱設鄉約之所於舉貢生員內揀選老成有學行
者一人爲約正再選樸實謹守者三四人以爲值
月每月朔日齊集鄉之耆老里長及讀書之人宣
讀

聖諭

廣訓闡明大義詳示開導務使鄉曲愚民咸生孝友敦

睦之思置德業可勸者爲一籍過失可規者爲一籍每月朔日先讀

聖諭

廣訓抗聲宣講約正推說其義剴切丁寧講畢於此鄉內有善者衆推之有過者值月糾之約正詢有實狀命值月分別書之於籍歲終考校其善過彙冊報於縣官縣官設爲勸懲之法有能改過者一體獎勵已奉

俞旨通飭遵行在案臣因思記過之籍第可爲鄉村守分農民偶有過犯而設若素非善類及曾爲盜賊者月朔不來聽講約正無可糾繩是亦不可無法以處之今大鄉大村既設立講約之所臣

請於約所之側令州縣各豎一木榜開列鄉村姦盜詐僞千名犯義有傷風俗現今犯法治罪之姓名於榜上俾鄰里宗族皆得直指其非以啟其愧悔之漸倘一年之內該犯果能深自刻責毫無過舉

即著約正值月報明州縣去其榜上姓名予以自
新以視置籍記過更覺彰明較著實於地方不無
裨益臣因設立約所而推廣良法是否可採伏乞
皇上睿鑒施行謹

奏

此不過小試行道之端他省亦有照此行之者若夫姦
盜詐偽匪類欲以木榜書名感發其愧悔之心恐未必
能然朕意果遇強橫不法之輩鄉里必不敢書其名以

籍其罪無非將良懦鄉民之小過填寫一二以塞責而
已雖屬有名無實之舉然亦係有益無損之事何妨試
行但恐徒為百姓之笑具耳

同日又

奏為敬陳管見事竊

臣

奉廣東督撫牌文准雲貴廣

西總督咨商據廣西梧州府知府袁璣詳請將廣
東肇慶府屬之封川開建二縣歸入梧州府等因
臣思普天之下莫非

王土封川開建或隸肇慶或隸梧州同爲

皇上之疆域何分彼此但袁璣欲將封川開建二縣歸入梧州者以梧屬之蒼梧懷集二縣與肇屬之封川開建二縣田地村鄉犬牙相錯故詳請歸入梧州其說近是臣查梧州與肇慶接壤自梧州順流而下一日一夜可抵督臣駐劄之肇慶再經一日一夜可抵撫臣駐劄之廣州若由梧州以至廣西省城非隔十餘日不能即到程途相去遠近懸殊

倘蒙

聖裁將肇屬之封川開建二縣歸入梧州將廣西之梧州一府改隸廣東則公文往來呼吸可通去遠就近莫有便於此者其梧州府所收落地稅羨銀兩按數移解廣西藩庫以充西省各官養廉於西省究無所損臣前請添設高雷廉道一員改肇高廉羅道爲肇羅道一摺欽奉

硃批遵即詳明督撫

題達在案今梧州府如改隸廣東自可歸肇羅道兼轄至於廣西蒼梧道管理通省驛傳鹽法原應駐劄桂林不須分守蒼梧臣從因地制宜起見故敢敬陳一得之愚是否可採伏乞

皇上睿鑒謹

奏

此奏事關兩粵候諭兩省督臣會商奏覆有旨

同日又

奏爲修輯省志事竊各省志書每多殘缺於雍正六年十二月奉

旨重加修輯臣奉文之後隨即轉行各府確查舊志未載事蹟并於所屬紳衿之內每府選擇一二人送至省會設局纂修但恐本省紳衿不無徇私情弊必於外省聘一素有學行者總理大綱庶事無闕濫而責有專司茲有翰林院庶吉士浙江人魯曾煜康熙六十年與臣會試同榜臣知其人品端方

學問淹貫向因伊祖母年逾九十父年亦有六旬
蒙

聖祖仁皇帝恩賜回籍侍養今其祖母已故父尚強健况

有二孫俱經成立非家無次丁可比臣商之署撫

臣傳泰遣役往接魯曾煜到粵給以脩脯令與粵

省紳衿悉心考訂修輯志書容俟告成之日恭呈

御覽合先

奏明謹

奏

修輯志書一事直隸各省殊覺過於遲延當速行辦理
為是

同日又

奏為請禁私賣制錢事雍正七年八月雲南撫臣委
員運送新鑄制錢二萬串到粵臣觀銅色黃亮錢
文厚重與粵東舊錢迥異隨於各營兵弁赴臣衙
門領餉時即將銀七錢三發給領回均勻搭放庶

此必待民間制錢敷用後將小錢舊錢官按時價收發
粵東雖未鼓鑄而制錢已可通行乃自制錢支發
即一而後民間禁止小舊等錢方可盡絕今鑄運伊始新
舊並用而遽欲令民間專用制錢無足理也至若銷燬
密訪聞順德縣有姦民劉昂霄將錢燬化打成黃
制錢之姦徒自當嚴加訪究盡法懲處不可少縱俟直
省制錢各皆敷用時朕自有明諭下頒
銅板煙袋等物訊據劉昂霄止供認燬化小錢是

否狡飾容俟縣府審明擬罪伏查新鑄制錢一千
文約重九斤餘兩每制錢一千價止紋銀一兩以
一兩之錢價可得九斤餘兩之黃銅照黃銅時價

可賣銀一兩四五錢如打成煙袋即可數倍其值
錢價賤而煙袋貴姦民貪利違禁恐不僅劉昂霄
已也臣一面出示嚴禁一面詳請督撫將黃銅打
成煙袋者悉令地方官照收買黃銅器皿例給價
收買立黃銅煙袋發賣之禁自可杜制錢燬化之
若如所奏則燬錢者未必止於打造煙袋已也
源督撫二臣皆以臣言為是但滇省運粵之制錢
俱經各營兵弁領回本應按名分散何故盡歸鋪
戶之手此中顯有兵弁增價私賣情弊雍正八年

正月臣奉署撫臣傅泰牌文准瓊州鎮總兵李順
咨稱有左營外委周維經奉差赴省領出制錢竟
敢動用私賣浮開侵利實屬不法等因轉行到臣
雖周維經未曾供明將錢賣與燬化之舖戶然此
亦兵弁私賣制錢之確證制錢搭放兵餉各營俱
有領出私賣恐不僅周維經已也理合仰懇

諭旨嚴禁俾武弁知所畏懼不敢私賣制錢而姦民無
從收買自不能將制錢燬化矣伏乞

皇上睿鑒施行謹

奏

朕不解汝意何居憑何降旨今既銀錢兼搭與兵而禁其易賣與民令其惟行使於營伍中耶自省領錢歸汎或慮質重易銀以便攜帶就中少圖微利亦人情之常今必揆其賣與燬錢之舖戶乃不揣本而齊末之論也如果姦民竟敢大開爐座燬壞制錢則汝等地方大吏所司何事此奏不明亦且不當

同日又

奏爲密請

聖裁事竊沿海額設戰船各營兵弁依期乘駕巡海其
或遭風壞船即按原定工價動帑修造若非因公
事出海壞船責令該營賠補此歷來之成例也嗣
因廣東龍門協副將景慧渡海考驗并該協把總
謝廷彥率兵巡海被風飄沒奉

諭旨凡官弁兵丁若因公事差委遭風受困者當照軍

功加恩倘有不幸至於身故者當照陣亡之例優卹
著九卿分別詳細定議具奏景慧謝廷彥及兵丁等
應如何加恩之處一併議奏欽此隨經部議景慧謝
廷彥案內被飄身故之兵丁照軍功陣亡例每名
卹銀五十兩被飄生存之兵丁照軍功頭等傷例
每名賞銀三十兩俱經照數支銀卹賞在案此實
我

皇上矜憫沿海兵弁

特賜卹賞之至意其實係遭風身故之兵弁叨荷

卹典自屬允宜第慮無賴營兵視

聖主之洪恩爲射利之捷徑或值行船擱淺偶爾擦傷

或船已停泊近岸撞碎是皆駕船不謹之故原應

令其賠補而船內兵丁惟恐修賠反捏人船飄溺

各營代詳請賞甚有將戰船暗地毀損希圖朦混

邀賞者如雍正七年五月內龍門協把總張賓帶

兵三十名巡至象骨沙船被風浪打壞據報把總

兵丁均扶蓬登岸無一身故又雍正七年閏七月
內香山協把總陳秀帶兵六十名巡至蚶洲離岸
里許船被翻溺淹死兵丁三名餘盡生存同日百
總徐禧帶兵一十八名護送鹽船兵船被風打壞
人俱登岸生存屢奉督臣飭令按名詳請給賞在
督臣照例而行非爲過舉臣職司出納不得不慎
重錢糧竊思張賓等兵弁三十餘名悉可扶蓬登
岸則非受困可知陳秀等遭風處所離岸頗近則

非難於登岸可知使不分別遭風受困情形驟行
賞銀三十兩其中保無借端混冒者乎臣

請嗣後除遭風身故兵弁仍照例優卹外其有雖經
被溺俱獲生全者可否免其給賞庶冒領錢糧之
弊可除而兵丁希冀之念自息矣臣密陳管見伏
乞

皇上睿鑒施行謹

奏

所奏甚是朕初意亦恐有冒領之弊但念此係格外特恩舉行之始兵弁必將感奮思報何暇作弊孰知小人無良輒敢如是殊屬可惡亦屬可笑之至另有諭旨頒發

同日又

奏爲遵

旨密舉幹員事竊臣於前奏爲擬實密奏事摺內奉到硃批現在粵省如有能勝監司之幹員其密奏以聞欽

此臣在粵多年於各官之賢否留心訪查觀其人
品考其吏治實有可信者惟廣州府知府吳騫老
成練達才守兼優瓊州府知府宗思聖勤勞辦事
廉潔自持俱能勝監司之任更有南海縣知縣劉
庶理繁治劇潔已愛民委屬幹員足勝省會郡守
之任夫薦舉人才原臣子職分所當爲第恐不加
詳慎知之未確或微露其意於所舉之人以存掠
美市恩之念非涉於交結即失之粗疎臣斷斷不

敢出此凡臣之一切

奏摺無不倍加謹密即臣子弟同在署中者皆未嘗

果能

如此甚好所當熟思而審處者

得窺底裏况吳騫等係臣屬員尤非子弟可比臣

敢不謹而又謹密而又密以凜遵

諭旨諄切之至意謹

奏

覽

同日又

奏為

聖德覃敷生黎誠服事竊粵東瓊州五指山係黎人羣處之地黎分生熟二種自秦漢以來生黎並未輸糧入籍我

皇上洪恩徧及遐方是以生黎莫不傾心向化雍正七年十二月據瓊州府知府宗思聖詳報崖州生黎王那誠等男婦二千三百七十三名口瓊山縣生黎符天福等男婦二百二名口定安縣生黎王天

貴等男婦六十七名口陵水縣生黎那萃等男婦二百八十六名口開明戶籍或願輸將糧米或願完納丁銀各懇附入版圖臣已轉詳督撫

題達竊思黎人不讀詩書茫無知識乃上年恭逢

萬壽黎人入城叩祝採辦楠木黎人踴躍運售黎長復

願代買此實亘古未有之事本年正月內值該府

宗思聖到省臣將所餘養廉銀在省城買布八百

疋面付宗思聖囑其分給採辦楠木之黎人又製

是

緞服靴帽另給黎長以獎勵其急公趨事之心并鼓動其向化輸誠之念所有生黎感戴歸附情由

理合奏

聞謹

奏

黎人向化欣悅覽焉

同日又

奏為據實陳明事雍正八年正月初十日臣奉署撫

臣傅泰擬開奉

上諭有人條奏內稱廣東諸務廢弛弊端種種因提解耗羨而火耗轉致加增因清查稅課而有司轉行苛索因禁止私販而漁戶並受苦累是以朕愛養百姓之善政而奉行顛倒以濟貪營巧取之私置除暴安民移風易俗之政於度外該省從前督撫受朕倚任之重身在地方焉有朕已聞知而伊等漫無覺察之理郝玉麟傅泰到任未久向後宜整頓經理勿蹈前

輒此旨到日著悉心確查嚴行禁約倘不肖有司仍有不知悛改者叅革拏問請旨正法如督撫等再有徇隱失察等情經朕察出定行從重治罪特諭欽此

臣捧讀至再兢惕悚惶伏思我

皇上宵旰勤勞勵精圖治

諭旨頻頒諄諄告誡臣猥以陋劣職任藩司自到任以來圖報情殷錢穀固屬專司在在條分縷析即凡臬司經管之賄盜糧道經管之糧米鹽道經管之

鹽政苟有所知亦必力爲整理每念海疆重大辦
事宜勤倘欲避嫌疑分彼此未免因循拘泥有誤
地方臣素無瞻顧痛絕交情早作夜思總期無負
皇上知遇今如條奏內所稱火耗全行提解兵米盡收
折色漁人增餉數倍稅務嚴加剝削及盜賊公行
賄具仍賣等語俱屬據拾無憑事跡任意冒陳毫
無實據茲奉到

諭旨倍加敬畏務期除暴安良移風易俗嚴飭各屬奉

公守法剔弊釐姦且共存知過必改無則加勉之
心以仰副

皇上訓誨諄諄至意為此繕摺

奏明伏乞

睿鑒謹

奏

但望如是果若所奏乃朕求之而不得者

同日又

奏為恭謝

聖訓敬繳

御批事雍正八年正月二十七日臣齋摺家人回粵奉
到

硃批臣即恭設香案望

闕叩頭敬捧跪讀蒙

皇上訓誨周詳無微不至臣感激

天恩銘心刻腑伏念臣與武臣原無不相和睦之處第

欽定四庫全書

硃批諭旨

卷七十三之三

二十六

粵東武職歷來或向知府包攬漏稅或向州縣囑託求情視若成規恬不為怪臣屢飭各屬痛革弊端遂為一二武職所不喜因以臣勤謹辦事則指為過於急躁以臣毫不徇私則指為擅作威福臣

惟倍加謹慎並不與之較論短長如惠州協副將繆宏乃無知武夫頗覺狂妄因其漢仗尚屬可用故命繆宏自京回粵進見署撫臣傳泰口出大言傲慢撫臣試用看原係不能安分之人也其傲慢無禮之失無禮傳泰亦僅含忍而已至於武職陞調免其截

自應有之扣俸新臣止密請

聖裁原不敢邀恩市美乃蒙

皇上呼臣姓名特頒

諭旨欲使武職知臣奏

請情由

皇上憐臣孤立凡所以保護而矜恤者甚於慈母之撫

嬰兒臣若不仰體

宸衷協和文武尚足與於人類乎至於督臣郝玉麟語

言明白人亦誠實緣到粵未久不能因地制宜一

切施為似欠妥協茲奉

硃批令臣盡心協助臣惟有欽遵

諭旨務竭愚誠以盡贊勦之道以期無負

皇上諄諄教誨之洪恩於萬一耳所有前奉

硃批奏摺理合呈繳伏乞

睿鑒謹

奏

覽奏俱悉勉之

雍正八年四月十一日廣東布政使臣王士俊謹
奏為恭報二麥豐收米價平減事竊粵東沿海各府
地土滋潤民間種麥者十有六七近山各府間有
沙磧種麥漸少本年入春以來雨暘時若沿海之
廣惠潮三府二麥收穫俱有十分其餘各府州有
九分八分不等現在通省米價每石自七錢三四
分至五錢一二分不等至於早稻各屬播種已完
合併據實奏

聞謹

奏

覽麥收分數已悉至於禾稻俟秋成後方敢言其必然
須克誠克敬以待之絲毫毋得肆志

同日又

奏為密舉能員事竊臣一介庸愚蒙

皇上不次擢用日夜感激惟思得人以報

聖恩臣前為河南祥符縣知縣時刑名錢穀案牘紛繁

必需幕賓以資助理因訪知浙江會稽縣監生候
選主簿童蕃甚有才能當即延至臣署自河南以
抵廣東迄今六載臣與童蕃相處既久深悉其存
心誠實無欺辦事精勤不懈熟諳吏治才具優長
現任州縣中求如童蕃者實不易得倘蒙

皇上將童蕃交於廣東督撫試以衝繁緊要之缺或
命往他省委用俾得身親民社料理地方具供職必勤
其收效必速臣仰體

皇上簡拔人材不拘資格至意因敢密摺薦舉可否採
擇伏乞

睿鑒謹

奏

交該部查議奏覆有旨

同日又

奏為恭報採獲楠木事竊查廣東應辦

萬年吉地需用楠木一千一百根塊原任廣南韶道林

兆惠承辦兩年僅得合式楠木二百八十根臣因
商之署撫臣傅泰密囑瓊州府知府宗思聖在於
瓊屬黎人山內平價採買先經宗思聖報獲楠木
五百根雇覓大船等候風順運送來省續因現任
廣南韶連道李可淳接辦日久所得合式之楠木
甚少臣又詳明督撫令宗思聖赴領價銀再辦二
百根昨接宗思聖來文備言黎人感荷

天恩莫不歡欣踴躍今已辦有二百四十餘根木質堅

潤材料長大惟俟陸續齊到省城臣即委員運送
通州交納所有採獲楠木情由合先奏

聞謹

奏

此係遵照部文辦理之事非關地方利弊急務何必如
是頻頻煩瀆

同日又

奏為奏明事竊東安縣姦民李梅上年私雕印信散

賣劄付事發脫逃緝拏未獲臣已多差幹役押同
識認李梅之陳忠信四處密訪尚無李梅蹤跡後
陳忠信途遇識認李梅之鍾亞二告知李梅曾在
高要縣石下村監生梁志揚家臣役薛猶龍等即
至高要縣向知縣楊麒生言之該縣喚訊梁志揚
供出高要縣白諸都地方黃占元窩藏李梅等語
查李梅係散劄要犯該縣亟應親往嚴拏奈楊麒
生止遣縣役同臣役前往捕拘以致縣役通信於

練總先令李梅躲避後至黃占元家搜覓不得僅帶黃占元到案楊麒生任其狡不承認又不嚴加訊究竟將梁志揚黃占元解至省城以為卸責之計署撫臣傅泰隨將二犯交與高要縣縣丞陳永中鎖押回縣囑令勒緝李梅乃梁志揚船至峽口捏稱急欲出恭陳永中漫不經心私行開鎖以致梁志揚投水身死臣現在查取縣丞陳永中踈縱并知縣楊麒生怠玩職名詳請督撫糾叅復會同

臬司委令署恩平縣知縣姚孔鉉督同各役四處
緝查務獲李梅嚴究外合先奏

聞謹

奏

用非其人事何能濟地方大員不妥協其貽誤至於如
此奈何奈何

同日又

奏為恭請

聖裁事雍正六年九月二十日奉

旨將張恕等二十員命往廣東交與該督撫委署試用
欽此伏查試用人員內除沈柱臣未曾到粵其張
恕王廷鐸單居安陽城張元方陳洪範李昌吳用
楫彭述先趙方謙吳宣揚崇俱係候選知縣到粵
後隨皆委署縣篆今單居安已被糾叅彭述先業
經病故張恕現有跡脫旗逃一案應聽部議楊崇
庸懦無才署撫臣傅泰尚欲留用未便咨送回部

其張元方等各員委署經年均能辦理地方事務
臣酌量人地之宜已將粵省未經部選知縣各缺
詳請

題補傅泰以各員間有叅罰案件屢次批駁是誠慎
重官方之意原非過刻但臣查現任州縣調補沿
海各缺本任或有經徵督催承追緝犯等案該員
明知例限屆期必被降革營求調補冀免處分故
定例不准調補所以杜規避之弊也至於試用人

員委署稱職

題請補授實與調補有別即署任內曾經罰俸降俸亦非畏有叅罰希圖調補他縣可比況叅罰等案各縣皆有倘因偶被叅罰而概不

題請則試用者寧有補授之日耶況奉

旨來粵試用上年有王元樞等二十二員本年有許鍾霖等八員皆須酌量委署使先到者尚未補授則後來者更安有補授之日耶我

皇上求才若渴各省每有

命往試用之員該員既膺民社何能保無叅罰之處分

雖委署而有叅罰粵東原無不准補授之部行然

叅罰可否

題補吏部必有一定之成例伏乞

皇上敕部查議知照粵省俾得遵循無誤頂沐

洪恩不朽矣謹

奏

交部議覆有旨

同日又

奏為敬聆

聖訓恭謝

天恩事雍正八年三月十七日廣東右翼副都統安華
陛見回粵臣隨同督撫跪請

皇上聖安時安華敬宣

上諭廣東習氣甚屬不堪賊盜最多朕甚不放心汝到

廣東傳諭總督郝玉麟巡撫傅秦布政使王士俊將軍蔡良令伊等務期留心訪查息盜安民要緊欽此
臣跪聽之下兢惕悚惶惟有凜遵

上諭嚴飭各州縣協同武弁實力查拏并請督撫二臣在於內河大小港汊撥兵巡緝務使盜息民安上
慰

聖懷三月十八日傳奉傳臣入署密示
硃批粵海關稅務一事臣跪閱之下仰見

皇上訓誨周詳無微不至斯不獨傳泰應知改悔在臣

亦倍加敬畏竊思人臣上邀

知遇外任封疆自當潔已愛民公忠體國尤須務竭協恭之道全無忌刻之心若少有偏私偶存芥蒂勢必辜負

聖明抱慚幽獨本年二月初九日郝玉麟來至省城經今兩月臣聽其言論窺其意志亟欲與傳泰事事和衷奈傳泰近日性情執拗愛憎失宜竟與郝玉

麟不甚相合郝玉麟曲為含忍而已臣以為傅秦
與祖秉圭不睦所關猶小與郝玉麟不睦所關甚
大臣為督撫屬員但願督撫和衷臣辦事始無掣
肘是以於進見撫臣時再四箴規傅秦惟點頭微
笑臣不能力為調劑負疚已深倘不據實奏

聞益增隱匿之罪矣所有安華回任臣得與督撫共聆
聖訓臣心感激愚忱理合繕摺奏謝

天恩伏乞

皇上睿鑒謹

奏

凡如此等之奏極當密之少不慎密至噬臍不及時莫忘今日之恩諭也有人奏汝曾有但具三寸封奏即可遣發吳如譯離粵之語前吳如譯之離粵東由伊自取今又離鎮江亦係伊自取豈王士俊復能令吳如譯離鎮江耶從來屬員之賢否出自上官朕未有將汝上官之去留決之於屬員之理但慮事或暗合未免啓庸愚

猜疑之心上關朕用人之體下關汝身家之患於此不思加慎加密而毫無忌憚但顧目前假榮不計異日實禍則為無知之小人矣誌之慎之

雍正八年六月初二日廣東布政使臣王士俊謹奏為恭謝

聖訓敬繳

御批事雍正八年五月初四日臣齋摺家人回粵捧到硃批當即恭設香案望

闕叩頭訖臣啓匍跪讀逐字體認儼若面對

天顏耳聆

聖訓如臣奏請兵丁賣燬制錢一事

臣

第知制錢搭放

兵餉自應各營赴省領回按名散給以供兵丁零星使用以免鋪戶全買化銅並不計及兵丁赴省領錢運回沉重就地易銀實為妥便及跪閱

硃批仰見

皇上聖明鑒照洞悉下情臣賦性愚昧不能細加推度

前摺冒昧具

奏可勝負疚悚惶自奉

聖訓周詳臣獲頓開茅塞

洪恩高厚感激靡涯理合繕摺叩

謝所有前奉

硃批奏摺一併呈繳謹

奏

覽

大抵公誠則能生明據奏愚昧失於推度等語究係欠公欠誠之所致亟當自省可也

同日又

奏為微臣戀

主情殷恭請

陞見事竊臣自雍正元年七月內由翰林院庶吉士引見命往河南補授牧令歷任今職八年外吏未得一覲天顏臣受

恩愈重依戀愈深在外之年愈多求

見之念愈篤現在粵省雍正七年分奏銷冊籍已經攢

造

題達則無慮奏銷之遲悞粵省雍正八年分額徵錢

糧奉

旨減免四十萬兩則無慮收兌之紛繁從前粵省吏治

廢弛民食艱難臣應日夕料理原不敢暫離職守

今屬官知勵廉隅年歲屢登大有諸務章程已定

自不致或有更張伏乞

皇上賞_臣四月之假准_臣赴京

陛見俾_臣得以敬聆

聖訓并可面

奏一切事宜庶_臣之八年積悃百結微忱亦可藉以
稍慰矣為此繕摺奏

請仰懇

皇上恩賜准允_臣無任禱切待

命之至謹

奏

新撫初更正資協助且不必來京

同日又

奏為據實密奏事竊廣東民風刁悍習俗澆漓因致

上厯

聖懷殷殷顧慮

特命通政使司右通政焦祈年為觀風整俗使臣前奉

硃批新授觀風整俗使焦祈年乃一派天良忠誠端正人也到粵時可與之和衷共濟將地方民情風習官常吏治一一備悉告之彼此互相協助莫負朕之諄諄諭旨欽此臣於焦祈年未經到任之先將觀風整俗使一切事宜預為料理整齊聞其將次入境遣人迎於百里之外臣之所以委曲周旋者亟欲與焦祈年同心協力整理地方以仰副

皇上移風易俗之至意耳不知焦祈年受何人愚弄故

為尊大之狀接見知府則南面正坐知府長跪叩
頭毫不回禮歷來督撫

敕書謄黃止發首縣刊刷焦祈年將

敕書謄黃用硃筆諭帖發臣刊刷且儀制三品京堂出

差外省則坐八轎四品京堂則坐四轎焦祈年係

四品京官到任至今居然竟坐八轎令司道俱用

手本伏查焦祈年

敕書之內開明通省教職士子等聽其稽察焦祈年直

欲管轄司道似屬違悖

敕書外官到任之次日必先謁

聖廟後拜同僚焦祈年則先拜將軍督撫後赴

聖廟行香省會士民指爲話柄其他不合體式之事不

堪枚舉焦祈年人雖誠實而舉動未合時宜臣向

伊極口苦勸窺其意亦自不安但焦祈年與臣素

未謀面聽臣之言殊覺逆耳然臣惟有凜遵

諭旨務竭協恭之義事事歲規縱使勸善而善不行規

過而過不改臣亦必多方開導冀其悔悟斷不敢袖手旁觀有負

聖訓也理合密摺奏

聞謹

奏

當竭力規諫之焦祈年臨行時朕向伊將日前方願瑛之黨比餘波至今粵省尚受其害諸凡咨詢王士俊而行等旨訓諭甚悉料伊自必聽從汝言也至其妄自尊

大乃愚直之所使耳亦無甚大干礙處況具責任不過
為稽查耳目之寄非有專閫重權縱使儀制少逾庸何
傷乎

硃批諭旨卷七十三之三